


殊批諭旨

嵇曾筠奏摺上



硃批稽曾筠奏摺

雍正元年七月初九日兵部左侍郎臣稽曾筠謹

奏為欽奉

上諭事竊臣欽承

簡命堵築河南中牟縣決口於六月二十二日起程行  
至彰德府境聞北岸又復漫溢隨星馳前進於七  
月初四日至武陟縣木欒店地方初五日閱看姚  
期營至馬營漫口共十一處即於初六日由沁堤  
頭閱看秦家廠一帶堤埽工程渡河由滎澤至中  
牟十里店西臣查得西決口八丈現在鑲築壩臺

漸次下埽東決口二十餘丈亦現在鑲築壩臺其  
勢湧急俟水溜稍減卽便上緊催僱下埽堵塞派  
委隨帶官祝兆鵬朱藻李世傑在西口高文愷張  
近光馮敬玉朱于宣拖克拖海在東口併協同印  
河各官無分晝夜加謹防護相機堵塞不得再有  
汕坍其決口以下祥符尉氏扶溝通許等縣村莊  
田禾淹沒甚多又祥符之朱仙鎮人煙商賈素稱  
繁庶亦被水衝已成一片汪洋臣現在咨明撫臣  
確查其近處卽行酌賑遠處俟查明到日亦卽公  
同委員賑濟以仰副我

皇上軫恤災黎至意再河臣齊蘇勒尚未到豫臣現在  
會同撫臣石文焯並河臣委到人員商酌務期作  
速將決口修成上慰

聖懷謹此先行奏

聞伏祈

睿鑒謹

奏

覽奏知道了帶往各員素不諳宣塞之務何能計日成  
功應仍令向時河官承修將隨帶新員分委協辦往來  
督催方是不可憑仗一己之見率意主持恐徒糜工料

殊批諭旨

上

稽曾筠

無益於事也用得其人一可當十苟以未經熟練之人期其速竣之效及所築不固又復拆改重修不幾用十而費百耶工程關係甚鉅切勿自作聰明特諭

雍正元年七月十八日兵部左侍郎臣嵇曾筠謹奏為欽奉

上諭事竊臣欽承

諭旨堵築中牟縣漫決口岸其西口加謹進埽已於本月十四日卯時合龍現在鑲墊邊埽建築月堤以資保固東口亦現在相機進埽俟水勢稍減即便催儻堵築務期作速修成所有西口合龍日期臣

謹會同總河臣齊蘇勒河南撫臣石文焯具摺奏

聞伏祈

睿鑒謹

奏

若不度量水勢而惟急於堵築恐徒多費終無裨益當與經歷既久熟悉工務者詳商妥酌行之

同日又

奏為欽奉

上諭事竊臣欽承

諭旨堵築中牟決口查中牟縣屬官堤危險之處尚多

殊批諭旨

上

三

嵇曾筠

臣一面嚴飭印河各官加謹巡防凡有險要即便加幫修治以爲未雨之防再訪查豫省河工廢弛已久兩岸官堤約長八百餘里河水旁洩則河身漸高河灘淤澱則河堤卑薄一遇伏秋暴漲在在危險斷非簣土束薪畧加補葺便可濟事但印河各官因向無額設歲修錢糧未免因陋就簡苟安目前及至衝決則募夫辦料費用浩繁而村莊田廬之淹沒又不可勝計臣愚以爲與其補救於後費多而工難毋寧預防於先費省而工易伏乞我皇上敕下河撫兩臣確查豫省兩岸官堤估計夫料於

秋汛後遴委幹員協同辦理普律加幫寬厚堅實其險要處所應如何分別修築工完之後應如何看守防護聽河撫兩臣詳加酌議務期周備完固縱使汎水漲發庶幾有備無患於河道民生均有裨益臣不揣冒昧謹具摺奏

聞請

旨伏祈

睿鑒謹

奏

修防各事宜已有旨矣遣張鵬翮來豫正爲此舉

硃批諭旨

上

四

嵇曾筠

雍正元年八月二十四日兵部左侍郎臣嵇曾筠  
謹

奏爲欽奉

上諭事本月二十二日中書牟澍交到吏部咨文內開  
雍正元年八月十四日怡親王傳

旨

聖祖指示釘船幫挑水壩旣應保固卽當從此壩尾接至  
遙堤若從秦家廠北壩尾接至遙堤恐其兜水秦家  
廠月堤與其在外幫築不如從中填實更覺堅固將  
幫築月堤與從中填實工價估計著舅舅隆科多大

學士張鵬翮會同派一員前往并圖交與嵇曾筠齊  
蘇勒石文焯議奏欽此欽遵等因到臣跪讀之下仰  
見我

皇上至聖至明洞悉河道情形千里之外如同燭照查  
釘船幫挑水壩應加保固但建築格堤若從秦家  
廠北壩尾起誠如

聖諭必有兜水之虞應卽從釘船幫壩尾接至遙堤庶  
河水有所捍禦姚期營一帶村莊可賴保全再查  
秦家廠月堤在外幫築工價似屬稍減但每年修  
理爲費亦多况兩面皆水龍門口埽工幾及百丈

沁黃交漲時不無意外之慮若從中填實堤工大有倚靠人力容易展施洵爲一勞永逸之功我皇上睿謨周備盡美盡善非臣等愚昧所能見及除建築格堤竝估計月堤從中填實之處容臣會同河撫兩臣詳加勘議再

奏外所有臣接准部文欽奉

上諭事理合先繕摺奏

聞謹

奏

凡如此等建築之舉但應各出己見講求適當之方期

收後效切勿涉於迎合阿順非朕所樂聞也知之誌之

雍正元年九月二十五日兵部左侍郎臣嵇曾筠

河南巡撫臣石文焯謹

奏爲呈報事雍正元年九月二十二日據南河同知

劉永錫呈稱本月二十日起北風大作水乘風勢漫溢鄭州來童寨民堤直射南岸中牟縣楊橋官堤搶護不及於二十二日子時漫開又據陽武縣丞謝球報稱鄭州知州張鉉誤聽來童寨居民於本月二十一日夜挖陽武民堤放水致漫溢楊橋官堤等因到臣等隨卽親詣勘視見缺口約寬十



解

餘丈卽委郎中祝兆鵬管河同知劉永錫等率領  
 南工千把總河兵加謹相機堵築詳勘情形來童  
 寨民堤決口之水自西北順流而下居十之八九  
 陽武民堤挖口之水自東南倒流而入居十之一  
 二俱注射楊橋官堤以致漫決楊橋在十里店上  
 流其漫水俱從賈魯河南下現今秋禾已經收穫  
 不致為患臣等隨傳訊知州張鉉據供鄭州來童  
 寨民堤漫溢廬舍被淹居民楊四郎義等要挖陽  
 武民堤洩水入河我因勸阻不住風雨昏夜一更  
 時候纔開民堤放水不料夜半官堤漫開等語查

須詳

究確情嚴加懲戒毋得草草放過以市恩沽譽

頑民強橫如此大干法紀

鄭州來童寨地方逼近河濱因九月二十等日風  
 雨馳驟河水湧決民堤致淹廬舍州民楊四等雖  
 被淹情急不合擅挖陽武民堤放水該州不能嚴  
 行禁止咎亦難辭除疎防各官俟查明

題叅外所有漫決情由臣等謹據實奏

聞伏乞

睿鑒謹

奏

有是理乎皆緣汝等犬吏惟假仁假義是務素不申明  
 法度故爾地方官民毫無忌憚致令無限金錢填於巨

浪不知此等耗費當以何項抵補也

雍正元年十二月十五日兵部左侍郎臣嵇曾筠

奏

謹

奏為欽奉

上諭事雍正元年十二月十二日接准工部咨開為飛

報漫口合龍緣由奉

旨先聞中牟縣堤口漫決朕念切民生深為軫懷覽奏  
中牟縣十里店東口已經堵築合龍斷流知道了但  
係隆冬所築工程仍加意防守保固該部知道欽此  
欽遵臣現在率領隨帶各官住宿堤頭晝夜防護

奉月堤已經告成竝於十里店上下堤岸加幫高厚

鑲墊風埽以資捍衛但臣來往河濱竊見黃河自

中牟以下淤澱更甚有水處僅深三五尺不等間

有河身竟成平陸惟兩旁支河通流環繞堤根多

被汕刷十里店一帶地形低窪黃水滙聚楊橋指

春望日合龍水勢必更加長誠如

聖諭須加意防守保固臣會商河撫兩臣必得下流疏

通方可過行無阻隨委員於黃河正身淤塞處所

挑挖水漕計長三里有餘引黃水正流自然衝刷

成河既有去路可免逼注堤根之患為費無多似



奏

凡事但宜據理直行奚庸如是周折用所當用國帑亦何惜之有所奏知道了與撫臣詳籌妥計爲之

雍正二年四月初九日副總河兵部左侍郎臣嵇

曾筠謹

奏爲恭謝

天恩敬請

聖訓事竊臣一介庸愚至微極陋蒙

皇上天恩俞允廷議暫授以副總河之銜端管豫省河

務聞

命自天感懼交迫誠恐庸才不能勝任具摺陳情復蒙  
敕下王大臣議覆仍照前議奉

旨依議著部行文將嵇曾筠奏摺一併發去欽此欽遵

工部備咨到臣隨恭設香案望

闕叩頭謝

恩訖伏念臣智識淺短河務關係重大懇祈

皇上訓示方畧俾有遵循以圖黽勉趨事仰報

高厚於萬一謹具摺恭謝

天恩敬請

聖訓伏乞

殊批諭旨

上

十

嵇曾筠

睿鑒謹

奏

具本奏謝方始合體即明白回奏二摺亦當由部轉達  
今授爾副總河之職身膺地方責任遇應具疏題請之  
事照例具題不可專用密摺非同從前欽差之比矣

雍正二年閏四月十三日副總河兵部左侍郎臣

嵇曾筠謹

聖主恩施至渥微臣感激難名謹伸謝悃仰祈

睿鑒事竊臣仰荷

皇上天恩授以副總河之銜復蒙

軫念若無標下官兵難供驅使

特諭王大臣議撥河南撫標兵弁竝分給河營兵目

睿慮周詳

隆恩稠疊聞

命之下感激涕零犬馬有知捐糜莫報惟有夙夜祇慎

奏督率修防以圖勉竭愚忱今武陟縣釘船幫

御壩尾格堤已經築成現在辦料加鑲護埽以資捍禦

天恩其餘兩岸工程要處先為加謹儻修所有微臣蒙

恩賞給標兵除另疏恭謝外謹具摺

硃批諭旨

上

十一

嵇曾筠

恩奏謝辭兵烈臣氣未暇下得具  
天恩伏乞兩州工費要與次爲同  
睿鑒謹咨愚臣竊榮知與咨報  
奏替率計湖道臣等謹此奏  
知道了伏汎將屆其加意防禦毋忽  
劉恩同日又  
睿奏爲奏

聞事竊准前以河工需費浩繁豫省捐納積穀事例內  
等念有羨餘銀兩可充加幫堤工之用具摺奏  
聞欽奉

硃批臣跪讀之下當卽遵照密商時因部文未到捐例  
奏初開一時不能定議至四月撫臣武闡事竣方得  
會商據云原擬每穀一石加費三錢五分撫藩二  
錢州縣一錢餘五分爲倉廩苦蓋之費今恐官生  
觀望不前與藩司酌議將州縣一錢減去止有撫  
藩二錢約共計二十萬兩可充公用臣復細加察  
訪無異謹據實覆

奏倘州縣將來另增使費臣一有聞見自應入  
奏謹具摺奏

聞伏乞

硃批諭旨

上

十三

嵇曾筠

睿鑒謹

奏請具詳

此項羨餘前據石文焯奏請以之填補地方虧空今若一旦歸公爲河工之用恐任其事者於此此外更爲多索則必致苦累官生胥觀望不前矣斷不可行仍應動用正項爲是

雍正二年五月二十一日副總河兵部左侍郎臣

嵇曾筠謹

奏爲欽奉

上諭事雍正二年五月十七日撫臣石文焯差齎欽奉

皇上硃批條議辦料募夫奏摺

諭旨有人奏此一二事覽之不勝駭異朕如此推心置腹任用爾等凡有累民之舉槩令據實入告而爾等竟若罔聞政令乖方一至於此朕惟仰天淚下亦無言可諭爾等也石文焯嵇曾筠田文鏡同看欽此臣跪讀之下惶悚汗流置身無地臣質本庸愚未能預先陳

奏荷蒙

聖諭嚴切臣罪尤深敢不據實奏

聞伏查豫省河工料物向例每斤給價一釐大半車運

硃批諭旨

上

三

嵇曾筠

交工不比江南有官造浚船河兵撐駕之便所給料價未免不敷祇緣

奏銷漕規遵行已久臣初到河工不敢遽更成例每見各屬採運艱難是以上年於預備料物奏摺內請量給車價以資運送現今各州縣承辦歲搶修料物卽於本境採買運送猶爲省力惟武陟中牟二縣工程需料較多臣會同撫臣細加商酌若盡於附近鄰邑購辦恐滋擾累故一面委員照時價自行採買按地遠近量給車脚無致派累里民復思柳多可以省料現在官柳次第採取及時儘力並飭沿堤

督種

以備將來採取之需此最爲要

密種以備將來之需又購覓山柴荻草以代秫秸非若從前辦料專責成於州縣也我

皇上軫念民艱無微不至臣謹仰體

聖懷悉心籌畫以紓民力嗣後辦料總在價賤時委員多購設廠堆貯況目下二麥豐登雨澤均調將來秋禾成熟沿河州縣料物自可早辦無庸取給他境而里民辦運之弊不禁自除矣再查上年漫口工程緊急用夫衆多不得不賴鄰邑協濟今加幫大堤各州縣止用本境人夫臣已諄飭印河各官陽奉陰違之弊斷不能免須殫竭心力不時查訪槩行召募不得擅派里下內有汛長工險之處所



募夫役無多洪水將至必資里夫搶築有田之家  
雇覓充應除所挑之方價領去外仍要田戶按日  
幫貼查應募之夫自食其力不憚勤勞每日二名  
可挑土一方里下之夫強弱不齊希圖幫貼每日  
四名始挑土一方人數既多則方價自覺其少臣  
請嗣後凡用夫役總以雇募為準如工程險要不  
得已按地起夫務擇年力精壯之人與其人多而  
聖意得已按地起夫務擇年力精壯之人與其人多而  
聽惟視奉行何如耳力惰毋寧人少而力勤如此則幫貼之費鮮而修  
築亦易見功矣至土方因取土遠近分別估計有  
二錢四分一錢六分一錢二分之不等除司庫照

例扣存加一節省外該州縣領帑築堤有照方全  
給者有因係水方并節省銀兩悉行借給而工猶  
未完者有原係旱方先發九分六釐餘一分二釐  
為行礮澆水做邊竝雨淋塌卸修補殘缺之用者  
總緣千里長堤土性不同地形迥別自難一律伏  
念我

皇上注念河防發帑數十萬金以圖萬世永賴民生關  
皇上係錢糧重大臣惟有冰兢自矢務期上不糜帑下  
閭閻不累民如有官役侵漁臣卽具疏叅核究治斷不  
望才敢假借姑容以仰副

聖主任使微臣之至意爲此據實奏

聞伏祈

皇上訓示謹

皇奏

覽奏俱悉

同日又

奏爲欽奉

上諭事竊臣蒙

皇上硃批臣奏摺欽奉

諭旨知道了伏汎將屆其加意防禦毋忽欽此欽遵伏

念臣庸鈍微才謬膺河工重任夙夜祇懼不敢一刻稍懈况今伏汎將至荷蒙

睿慮周詳訓示諄切惟有益加惕勵恪勤仰慰

聖懷目下沁黃水勢雖覺稍長尚未湧急臣上年奏請

挑挖倉頭對岸引河已於本月十六日竣工候水

長風便之時卽將河口相機開放俾由西北順達

東南以緩北岸頂衝之勢其釘船幫

御壩尾格堤護埽現在督催晝夜鑲築用資捍禦至遙

最爲緊要工程全副精神當專注於此

陟各工稍有就緒卽星馳南北兩岸查催堤工加

謹修防務期有備無患永慶安瀾所有欽奉  
諭旨緣由理合具摺奏

聞謹

奏

凡事惟盡人事以聽

天耳然非忠誠二字末由感格

上蒼神明之賜佑况河流浩瀚遷變無常默默中實有主  
之者更當場盡忠誠以仰邀佑助方克奏底定之功也  
勉之

雍正二年六月十八日副總河兵部左侍郎臣嵇

曾筠謹

奏為欽奉

上諭事雍正二年六月十一日臣於武陟工所跪接

皇上硃批臣奏摺欽奉

諭旨凡事惟盡人事以聽

天耳然非忠誠二字末由感格

上蒼神明之賜佑况河流浩瀚遷變無常默默中實有主  
皇之者更當場盡忠誠以仰邀佑助方克奏底定之功  
也勉之欽此臣凜遵

訓示感激服膺惟有矢竭忠誠益加小心勤慎以仰副

硃批諭旨

上

七

嵇曾筠

聖主勗勵微臣之至意竊查伏汛以來沁水於五月二十七八日長發幸賴

皇上指示建築格堤加鑲護埽水勢漫至堤根得資堵禦仍由大河東注六月初二三日黃水甚長俱從南岸引河順下不致逼趨北岸釘船幫

御壩秦家廠一帶工程安穩詹家店馬營等村從前被水之處今已遍種禾苗人民樂業茲六月十九日秋汛方屆武陟各工最關重大臣祇遵

聖諭加謹修防不敢稍懈再查自滎澤以下水趨南岸鄭州中牟一帶俱屬緊要自中牟以下水又折趨

北岸陽武地方尤屬要工俱經料理下埽搶築臣往來查視督率道廳印汛各官竝多派效力人員住宿堤頭竭力儻修務期保固以盡職守所有伏汛水勢平穩情形除會疏

題報外謹具摺奏

聞伏祈 睿鑒謹 前已有旨諭石文焯矣其共相勉力以保固秋汛

雍正二年六月二十五日副總河兵部左侍郎臣

嵇曾筠謹

奏爲欽奉

上諭事竊查黃河伏秋兩汛寧夏例有水報每長一尺豫省約有三倍自伏汛以來據寧夏同知報稱五月二十三日水長一尺五寸又六月初七日水長一尺七寸臣於武陟工次約計黃水到時雖長四五尺不等幸隨長隨消且沁黃諸水次第而下不致竝漲故兩岸堤工皆得修守平穩實由我皇上福庇所致今秋汛方來臣率同在工人員晝夜巡查加謹防護不敢稍懈所有近日河水安瀾情形

理合具摺奏

聞伏祈

睿鑒謹

奏

今夏伏汛原不爲大一切堤工幸俱平穩茲秋汛方來水勢諒非前此須當竭力保護已降有諭旨矣

同日又

奏爲奏

聞事竊臣查勘堤工於六月二十二日至祥符縣南岸時值學臣歲試開封府屬聞封邱縣生童不肯應

考隨查詢緣由知因該縣唐綏祖以所屬堤長工險汎水正當長發亟需搶築一時募夫無多暫令各社添雇夫役不分儒宦戶一體均出徵收錢糧亦不分儒宦戶槩用滾單挨催以致生童嘖有煩言又細訪封邱東西兩社該縣以西社連歲歉收每田四頃雇夫一名東社上年有收每田二頃雇夫一名至催徵錢糧亦於東西分別緩急其形迹未免偏向生童等淺見較量懷怨益甚是以學臣歲試之時止有西社生員二十三人聽考東社竝無一人應考甚至搶擡童生卷冊欲借多人附和

希圖仍分儒戶名色不與齊民一例納糧當差視其舉動殊屬要挾官長究其隱微實由性愚見小所致嗣經撫學兩臣出示曉諭文章已於本月二十十五日考試訖生員亦陸續齊集遞呈求考但事因雇夫催糧起見以致罷考有干

功令除撫臣會同合詞具

題外臣謹將查訪緣由據實奏

聞伏乞

睿鑒謹

奏



省拳拳在念無日不神馳於黃河南北兩岸將半月餘矣仰託

穹蒼垂憫河靈默庇伏汎竟保無虞朕心歡暢筆不能宣茲秋汎在卽更宜預事綢繆竭力防禦再加以忠誠之心上格

神明佑助今歲得保安全迨秋冬之際相度水勢之趨向培補堤岸之卑薄謹守三二載正流日漸通暢水由地中行將來永慶安瀾上可釋朕躬宵旰之憂下可免億兆昏墊之苦是全賴卿等實心任事服勞盡瘁之力耳克勤克慎毋怠毋忽將此諭亦令齊蘇勒嵇

會筠知之欽此臣伏讀之下仰見我

皇上注念河工時勤

睿慮本誠敬以格

蒼穹是以伏汎安流工程平穩復

諭勉臣等竭力保固秋汎臣惟有敬體

皇上訓示忠誠二字竭盡愚忱修理防護誠如

聖諭謹守三二載正流日漸通暢水由地中行將來永

慶安瀾上以釋我

皇上宵旰之憂下可免億兆昏墊之苦目下正當秋汎

黃水時有長發釘船幫



御壩秦家廠一帶工程臣督率在工員弁晝夜修守不敢稍懈其兩岸險要處所勢不容緩者已經會同河撫兩臣估計

聖題請一面飭令廳印各官多備料物召募人夫加謹皇上辦理至秋汛後水勢既定凡應行培補事宜再爲備詳加相度以次條奏所有欽奉

上諭緣由理合具摺奏聞伏乞

睿鑒謹

奏  
今歲豫省安瀾之慶實出望外可見誠之格  
天感神猶如立竿見影也不敬不慎得乎勉之  
雍正二年九月初六日副總河兵部左侍郎臣嵇

曾筠謹  
奏爲恭報秋汛情形工程平穩仰慰  
聖懷事竊照入秋以來黃水疊長臣夙夜冰兢凜遵

皇上訓諭敬謹修防兩岸堤工往來巡視遇有危險處所卽飭加謹保護查南岸鄭州之藍家屯薛家寨中牟縣之拉牌寨穆家樓司家口祥符縣之老君

堂瓦子坡一覽臺北岸陽武縣之大賓鴈李祥符  
珠水牛趙封邱之小桃源蘭陽縣之四門堂耿家  
皇土寨儀封縣之堽陽堤三家莊等處皆因民堤浸溢  
聖對流至官堤水勢幾與堤頂相平當經飛飭印河各  
表官竭力搶護得保無虞惟歸德府屬之虞城縣於  
八月初四日因黃家莊民堤漫溢將待賓寺迤西  
大堤漫決丈餘幸內有月堤爲重門保障得以捍  
禦水勢竝無泛溢該縣令錢啓心等捐辦料物率  
領人夫奮力搶築隨卽於八月十五日堵閉完工  
奏臣復親馳查勘無異當此秋汛異常泛漲大堤以

皇土內毫無傷損南北兩岸胥慶安瀾皆賴我

皇上福德盛隆至誠感召是以

土河伯著靈堤工保固除日今霜降屆期臣循例會同  
聖安河撫兩臣另疏

皇題報外所有謹查看秋汛情形工程平穩緣由理合

土備繕摺具二平八月十二日

奏恭慰奉

聖懷謹日又

奏

節令已屆霜降堤工幸保平穩朕悅懌之懷筆不能悉

殊批諭旨

上

二

嵇曾筠

此皆卿等勤慎率屬一誠感格

神明之所致何乃歸功於朕耶

聖訓同日又

奏為欽奉

上諭事雍正二年八月十二日臣於武陟工所跪接

皇上硃批臣恭請

聖安奏摺暨欽奉

上諭奏摺奉有

硃批諭旨竊照黃河兩岸一切修守事宜仰賴

皇上指示周詳是以伏秋兩汛水勢雖長皆幸保固平

穩欽承

諭旨誠之格

天實如立竿見影不敬不慎得乎勉之欽此臣跪讀之下

倍增凜惕惟有益勵愚衷加謹修防殫補偏救弊

之忱圖一勞永逸之效以仰副

聖主訓勉之至意於萬一耳所有奉到

硃批緣由謹具摺奏

聞伏祈

睿鑒謹

奏

硃批諭旨

上

三

稽會筠

朕與卿等交相儆勉方期有濟耳

雍正二年十月初二日副總河兵部左侍郎臣嵇

曾筠謹

奏爲

萬壽昌期日近微臣戀

主情殷敬效

嵩呼兼陳蟻悃事竊臣生逢

聖世受

恩最深奉差在外一年有餘身羈工所心戀

闕廷雍正二年十月三十日恭遇

皇上聖誕臣分宜趨侍鵷行隨班拜舞祇緣加幫兩岸

工程堤長帑多實係

國家萬年鞏固之基臣往來督催乘此天氣晴和上

緊僱築未敢擅離職守惟有恭設香案遙望

九重敬祝

聖壽無疆伏念長至以後節氣沍寒難施畚鍤河務稍

奏暇一切應行善後事宜必得面請

聖訓方能恪守遵循仰祈

天恩允臣所請於臘月初旬俾得單騎減從赴京

陛見往返祇須一月工程原可無誤而犬馬戀

殊批諭旨

上

三

嵇曾筠

主愚忱亦得藉以稍慰矣臣未敢擅便謹具摺奏  
聞恭候  
皇上敕旨遵行謹

奏

歲暮天寒何必徒勞往返據云長至以後畚鍤難施正  
當乘時督運料物不應遠離工所況各項事宜俱經諭  
明已可次第遵循亦無覲面請旨之處陛見之行今冬  
且止

雍正二年十月十八日副總河兵部左侍郎臣嵇

曾筠謹

奏為欽奉

上諭事竊查豫省兩岸加幫堤工目今天氣晴明人夫  
輳集臣往來催僱并委廳汛各官及挑選效力人  
員協同州縣分投幫築現在報竣之處已多雍正  
三年所需歲搶修料物趁此年歲豐收民間秣草  
堆積之時及早購辦先事預防方無貽誤臣已嚴  
催各廳縣據實估計造冊會

題一面先行管河道酌量給發銀兩乘時採辦以便  
於歲前挽運其倉頭口引河業經汕刷深通水勢  
順流自西東注而北岸釘船幫秦家廠一帶俱已

淤成灘地播種麥苗臣因查勘應行培補疏濬事  
宜乘船來往見兩岸居民咸歡呼踴躍歌咏

光天化日頂祝

萬壽無疆臣目覩民情安樂益賡

聖澤高深不勝忭舞之至理合具摺奏

聞伏祈

睿鑒謹

奏

引河深通秦家廠一帶淤成灘地各情形誠堪欣幸此  
奏與在廷王大臣共閱亦莫不羣然稱慶一應善後之

策勉爲之

雍正二年十一月初三日副總河兵部左侍郎臣

嵇曾筠謹

奏爲謹陳管見仰祈

睿鑒事一查豫省修築堤工之定例每土一方給銀一

錢二分內除加一節省外實給銀一錢零八釐臣

恪遵定例批令管河道照數給發在案但細加採

訪平易工程每方九分六釐可以敷用似應於扣

存加一節省之外再扣加一節省留存河庫作正

項支銷倘有難做之工及取土甚遠并買土搶險

者責令管河道親加察核酌量加增庶帑項不致虛糜而工程亦免誤累矣

一河工錢糧不比州縣黃流泛漲呼吸變遷有昔險今平今平忽險者有突遇危急所用銀兩浮於原估之數者亦有不及題估而急需僭做難緩時刻者事當倉猝勢若救焚不得不多用料物金錢移緩就急竭力搶護以保運道民生若執一而不變通則該管各官恐有賠累或致臨事畏縮貽誤非小臣愚以爲凡一切工程或有昔險今平者據實扣除或有今平忽險及水勢洶湧搶救銀兩浮

於原估者據實題銷如有緊急險工難緩時刻者一面題估一面通融接應惟在臨時相機修防管河道嚴加察核毋許冒破庶緊急工程不致坐失機宜矣

一柳枝荻葦爲河工第一要料豫省堤園柳株歲久瘦枯更兼連年險工取用採伐殆盡臣查黃河兩岸濱河處所多有新淤灘地儘可種植柳枝荻葦可否行令地方官逐一清查其未經陞科之灘地或有種荻一頃或有種柳千枝實能成活濟工者驗實詳報咨部官則給予紀錄民則給予頂帶

榮身則人皆踴躍二三年間荻柳蕃盛而歲修購料銀兩可以漸減矣至現今一切堤佔地畝并取土挖廢坑塘合無仰請

聖恩俯賜循照江南之例俟堤工告成之後行令地方官逐細查丈蠲除錢糧亦留以栽柳種荻則所產愈廣在

朝廷普寬大之恩小民免虛糧之累而物料所出當不減於正供所入矣

一豫省原額堡夫因臣上年奉差到工往來堤上見其蹤跡寥寥有名無實且不諳簽椿下埽是以

天南議請裁去循照江南之例添設河兵駐工防護庶聖訓爲有濟荷蒙

皇上聖明特諭調撥江南河兵來豫修守隨經河臣齊蘇勒抽調十河營兵一千名千把總六員赴豫當同臣等擇其險要之處分派安插訖但歸德府屬考城商邱虞城三縣不敷分撥原未安兵今值冬季裁去堡夫則兵夫俱缺乏人防守似應再於南工調兵二百名分令駐防庶工程大有裨益矣以奏上各條臣一得之愚不揣冒昧具摺奏

聞是否可行伏祈

殊批諭旨

上

三

稽會鈞



皇上訓示謹

奏上各糾強一極之愚不識其理

九卿速議具奏其中堡夫一節前議原未周詳再加斟酌妥確奏聞

雍正三年正月初四日副總河兵部左侍郎臣嵇

會筠謹

奏為運河暢流漕艘湍進謹據實奏

聞仰慰

聖懷事竊照漕運上關

天庾必須儻行無阻方獲依限抵通豫省漕糧連年遲

滯致厘

宸衷臣蒙

皇上天恩任使駐劄河南逐細查勘知運河有淺澁之

處亟須設法疏通隨以謹查丹衛之源流等事摺

奏奉

旨九卿詹事科道速議具奏當經九卿等議覆奉

旨依議速行欽此欽遵於雍正二年十一月二十二日

接准部文遵卽移咨直督豫撫會同查議在案今

仰賴

聖主福庇百靈效順運河水勢經冬暢流所有一切泉

殊批諭旨

上

三

嵇會筠

源俱委官查察不敢阻遏而開歸道沈廷正亦率  
領辦漕各官踴躍趨事克副冬兌冬開之期各幫  
糧船於上年十二月二十七日盡數催出衛輝府  
境今已從濬縣湯陰內黃一路銜尾前進較之往  
年甚早臣復飛飭沿途印汛各官因地制宜創淺  
築壩竭力催僱務期通行無誤合先具摺奏

聞恭慰

聖懷謹

奏

覽奏運河暢流豫省漕艘已於歲底盡數出境較之往

年實屬迅速不但朕懷深為慰悅即在廷諸王大臣亦  
皆歡忭之至

同日又

奏為欽奉

上諭事竊照河工動用錢糧工完之日例應逐細查核

上備造冊

皇題銷以清庫項臣蒙奉

皇上天恩授以副總河之職自雍正二年閏四月接准

部文受事以後一切工程現在綜理除

御壩雁翅新建挑水壩及新開引河等工已經

殊批諭旨

上

三

嵇曾筠

題銷在案餘俟兩岸各工完日卽當據實查察陸續  
會核

呈 題銷外又有雍正元年堵築十里店漫口工程荷蒙  
皇上差臣赴豫督修欽奉

上諭動用正項錢糧事完之日查核銷算臣亦現在嚴  
催經手各官據實造冊詳報以憑察核會  
題至於堵閉楊橋漫口奉

旨交與河撫二臣修築之工所用銀兩俱由撫臣批給  
且係原任鄭州知州張鉉賠修將來追賠完項事  
屬撫臣衙門專管并雍正元年馬營等案已做未

恩管銷各工俱係臣未奉

簡命以前之事既未經手錢糧又無詳報檔案似應仍  
皇上聽撫臣查案協同臣等會核

題銷庶工程錢糧俱得清楚矣臣因事關銷算錢糧  
聖鑒不敢不加意慎重理合據實

奏明伏候

皇上訓旨遵行謹

奏

河工錢糧巡撫固不可攙越然以爲未曾經手遂乃槩  
行諉卸河臣亦屬不可爾等自應會商確當公同具奏

爲是咸似此各抒己見密摺陳奏朕不洞達情節殊難  
批諭

雍正三年二月十六日副總河兵部左侍郎臣嵇  
曾筠謹

奏爲道員心驕性僻掣肘抗玩據實陳奏仰祈

聖鑒事竊照河工關係重大如有需用錢糧刻難容緩  
理應隨批隨發方無貽誤欽蒙我

皇上軫念運道民生不惜百萬帑金大加修治又添設  
歲搶修銀兩預備料物臣蒙

恩管理堤工欽奉

敕諭開載先事豫圖通融計處率領河員相機度勢盡  
心料理不得推諉亦不得互相掣肘煌煌欽奉

聖訓夙夜凜遵今管河道陳世倬心驕性僻見識糊塗  
且倚恃科員抗違掣肘官民交怨夫役離心恭蒙

皇上明見萬里無微不照臣敢不據實陳奏

奏上瀆天聽伏查河工物料緊要誠如聖諭必須年前預備方不誤緩急之用臣於雍正五年

十月間節檄飭知給發購料世倬竟以庫內竝無  
此項銀兩支給詳覆臣隨咨商撫臣田文鏡飭令

暫於河庫項內通融給發俟會稿  
題請撥還去後世倅因循抗延歲內止發十分之無  
臣恐遲誤復經疊催始於今春陸續報給十分之  
三四各州縣因發銀遲滯至今尚未運足萬一水  
漲貽誤非小世倅之抗玩者一也再查武陟詹家  
店等處未完工程屢飭找發銀兩僱築報竣世倅  
到任以來竝不發銀以致夫役星散停工待帑  
復屢檄嚴催置若罔聞卽兩岸歲修工程亦因循  
觀望世倅之抗玩者二也再者黃流水勢呼吸變  
遷全在因時補救一有蟄陷卽宜鑲墊一遇報險

立刻搶護所有堆貯料物惟在收支有數做工有  
據查驗明白弗致糜費據實開銷今世倅不論工  
程緩急混行嚴飭各屬凡一草一木必須批准方  
許動用不然卽著經手各員賠補以致屬員互相  
畏縮查黃河兩岸千有餘里若必俟河道批允後  
方敢搶築恐文書往返迢遞稽延猝遇危險屬員  
畏懼賠累勢必遲迴觀望坐失機宜倘有遲誤補  
苴何及世倅之不諳河務緩急俱如此類其抗玩  
者三也如此呼應不靈糊塗掣肘不肯通融預備  
若遇伏秋危險或致周章債事臣受

恩深重臣之一身一家有何足惜萬一貽害於運道民生則臣罪愈重是以不避嫌怨據實入

告除將辦料遲延情由另行恭疏

奏明外爲此繕摺具

奏伏祈

皇上睿鑒謹

奏

該部嚴察議奏速行文與田文鏡撥河南司庫錢糧五萬兩交與嵇曾筠速速相機料理佟鎮調補管河道其陳世倬著問田文鏡如可用調補南汝道如無可取發

回交部嚴加議處堤岸少有疎虞將嵇曾筠亦從重議處

雍正三年三月初一日副總河兵部左侍郎臣嵇

曾筠謹

奏爲恭報桃汛平穩仰慰

聖懷事竊照豫省黃沁兩河今歲桃汛天氣晴和水勢微長所有南北兩岸一切險要工程俱各平穩至歲搶修料物欽蒙

聖諭嚴切臣惶悚無地一面嚴飭管河道速發銀兩一面檄催承領各官將已辦者及早運工未辦者立

卽購運務期克副修防之用不致有誤其一切歲  
修埽壩工程已飛飭各屬卽日興工逐一相機修  
理臣往來督催弗敢稍懈謹將桃汛水勢工程平  
穩情形據實奏

聞上慰

聖懷伏祈

睿鑒謹

奏

朕聞黃沁兩河桃汛水長時時繫念今覽此奏方釋然  
矣

同日又

奏爲祥符河勢南趨亟請挑挖引河以順水性仰祈  
睿鑒事竊查祥符縣南岸回回寨對過北岸官路李家  
地方淤長大灘直出河心以致河勢盡趨南岸雍  
正二年伏秋水漲衝射回回寨老君堂等處沿河  
一帶皆成巨浸村莊茅屋多有被淹堤根拖溜甚  
屬危險且係單堤竝無外護切近省城關係甚重  
臣乘船往來細看北岸形勢并訪之士著士民知  
北岸官路李家一帶原係舊日黃河故道歷年淤  
塞以致灘嘴日長河流南射臣詳加勘視應由北

岸舊回回寨起至官路李家舊河身處挑挖引河一道引溜直走俾成東西之勢不特老君堂等處居民免遭水患耕鑿可安而堤工亦得保固於城社民生均有裨益隨經檄飭管河道廳印汛各官公同丈量計長三百四十丈估計土方工價共需實銀三千二百兩有零應請於司庫動用

題銷臣一面會同河撫二臣恭疏具

題請

旨外謹繪圖貼說進呈

御覽伏祈

皇上睿鑒施行謹

奏

覽奏及所繪圖式挑挖引河之見似屬合宜但不知北岸官路李家一帶與老君堂等處地形高下何如耳俟齊蘇勒到豫與之商酌或應挑河抑或建築挑水壩詳籌妥計而行

雍正三年三月二十六日副總河兵部左侍郎臣

嵇曾筠謹

奏為欽奉

上諭事竊臣於雍正三年二月二十九日跪接

殊批諭旨

上

三

嵇曾筠



皇上硃批臣等為遵

旨公奏事奏摺請將豫省河工錢糧由副總河查核會

題緣由欽奉

諭旨知道了欽此欽遵臣伏念錢糧關係重大款項必

須清楚查豫河工自武陟漫口之後水不歸槽河

淤堤矮處處危險多有事在倉猝給過銀兩做過

工程而未經歸款者亦有移緩就急將此工錢糧

通融彼工搶護者今據布政司管河道查鈔檔案

冊報前來內中頭緒紛繁款項多有未清皆在臣

未奉

是何言歟簡命以前之事如其未請而槩不准銷算懸坐追賠

誠恐將來承修各員遇有急險工程懼干賠累觀

望畏縮貽誤非細亦無此理若竟按冊籍題銷又恐工隔兩

年事非經手或有重複冒破之弊筆花帳耳臣現在面同巡

撫調集原經手各官冊籍案據逐細查對察核竝

親詣各工按冊確勘如果工程有據印領有憑督

撫批案可查方敢逐一歸款陸續具

題請銷稍有朦混浮冒立即據實核減參追務使絲

毫無浮以清帑項除一面恭疏

題明外合先繕摺奏

硃批諭旨

上

三

嵇曾筠

聞伏祈

皇上睿鑒謹

奏

此等具題事件總由該部察核亦可無庸摺奏

同日又

奏爲欽奉

上諭事竊臣欽遵

諭旨於三月初八日自武陟起程前往兩岸各工相機

料理已經

奏明在案臣一路查勘現在堤工俱加幫高厚河底

日漸刷深循流順軌非復從前景象伏查兩岸遙  
月格堤原於雍正二年題明俟過桃伏汛後再爲  
確估興修內有首險處所上年秋汛異漲時水與  
堤平竭力搶護方保無虞今伏汛又將屆期自應  
乘時早爲修築況入春以來雨澤鮮少風信頻發  
久晴恐有久雨或當伏秋之交大雨時行水勢陡  
長亦未可定臣謹率同道廳印汛各官逐細相度  
適值河臣齊蘇勒來豫面同商酌確估將應行修  
築之月堤等工除一面恭疏會

題外一面發帑募夫僱工以保伏秋凡有補偏救弊

之事臣俱細察機宜悉心料理務期堤工鞏固仰  
慰

聖懷臣於本月二十六日已回武陟工次所有查勘工  
程相機料理緣由理合遵

旨具摺奏

聞伏乞

睿鑒謹

奏

觀爾於一切諸務每多預爲之地及至臨時或反失誤  
機宜從來切於私者則緩於公驚於遠者則忽於近斯

亦必然之理未能國爾忘家大都不免此病

雍正三年五月初九日副總河兵部左侍郎臣嵇

曾筠謹

奏爲欽奉

上諭事竊臣爲祥符挑挖引河摺奏欽奉

硃批臣跪讀之下仰見我

皇上睿慮周詳慎重河防之至意臣謹會同河臣齊蘇

勒遵

旨前往細看形勢其地身西高東下開挖引河頗屬順  
利據齊蘇勒詳加酌議應將河頭往西移上三十

硃批諭旨

上

罕

嵇曾筠

丈以迎水勢復於南岸建築挑水壩一座挑溜逼  
入引河俾無旁洩當卽遴委諳練河員領帑募夫  
挑挖興修於四月內完工今乘水勢長發風色順  
利於五月初七日將引河相機開放仰賴  
聖主精誠感格河瀆效靈河頭一開大溜掣入奔騰東  
注勢若建瓴頃刻之間河頭至河尾汕刷寬深水  
勢直下暢流無阻現在民間重載大船俱由引河  
遶行說此水歸中泓祥符回回寨老君堂一帶堤  
工及居民房屋可免浸刷之虞安瀾有慶童叟歡  
呼莫不感頌

皇恩臣不勝踴躍懼忭之至再查日今甘霖時沛黃水  
日漸長發幸皆隨長隨消兩岸工程平穩臣凜遵  
聖訓惟有痛加奮勉敬謹辦理竭力修防永保堤工鞏  
固謹繕摺奏

聞仰慰

聖懷伏祈

睿鑒謹

奏

據奏引河開放大溜奔注知道了卽今伏汛屆期一切  
工程其殫心竭力督率修防仰蒙

硃批諭旨

上

聖

硃批會筠

上蒼垂庇能保無虞則一二年間河身逐漸刷深永無汎濫我君臣庶可以高枕無憂矣勉旃勉旃

同日又

奏爲欽奉

上諭事竊照豫省兩岸堤工荷蒙

皇上發帑修築臣因慎重錢糧細加採訪知平易工程每土一方給銀九分六釐可以敷用前經

奏明在案今於五月初二日接准部文欽奉

俞旨嗣後豫省工程每土一方給銀九分六釐以爲定例其難做險工取土甚遠者於估計之時責令管

河道親加查核酌量加增不得浮冒外但臣查從前雍正二年加幫堤工雖據領帑陸續報完內有平易之工亦應追繳加二節省現在檄飭管河道逐細查勘分別難易凡有應扣加二節省之處嚴行扣追繳庫以清帑項所有准到部文遵行緣由理合先行具摺奏聞伏祈  
皇上睿鑒謹

奏奉五十二年六月十四日備錄河兵將士計數

此等接准部文照例具題事件又無繁難掣肘密請訓

示處何必多此一奏耶

雍正三年六月初十日副總河兵部左侍郎臣嵇

曾筠謹

奏為欽奉

上諭事竊臣恭接祥符引河告成奏摺奉有

硃批臣跪讀之下不勝感激惕勵伏念豫省堤工荷蒙

我

皇上聖明獨斷發帑興修現在大堤報竣引河告成疏

濬隄防相機竝舉

天人協應可望安瀾

聖主憂勤猶煩

宵旰茲以伏汛屆期

命臣竭力督率修防臣受

恩深重分應竭力保護身先督率以固河防查武陟黃

皇土水從廣武山新開引河暢流東注沁水從

御壩北河循軌順行上游既已清楚下流自不致泛濫

雖時當伏汛水長數尺仰賴

皇上福庇工程俱各平穩再兩岸支河俱經堵閉水勢

盡歸中泓併力刷深河底臣率領道廳汛弁巡察

堤工嚴督晝夜修防一切埽壩工程親自督催勘

硃批諭旨

上

器

嵇曾筠

驗惟有凜遵

聖訓益加奮勉務保無虞永奠

萬年鞏固之基耳所有奉到

硃批欽遵緣由謹繕摺奏

聞伏祈

皇上睿鑒謹

奏

勉之慎之朕晨夕之間無時不縈念於黃河兩岸也

雍正三年七月初八日副總河兵部左侍郎臣嵇

會筠謹

奏為欽奉

上諭事雍正三年六月二十八日恭接

皇上硃批臣奏摺欽奉

諭旨勉之慎之朕晨夕之間無時不縈念於黃河兩岸

也欽此竊照本年伏汛黃河水勢頗大沁河更甚託

賴

聖主福庇

天

神默佑豫省兩岸工程修防平穩業經恭疏

題報在案近查儀封蘭陽祥符三縣所築堤工因大

望恩雨衝刷水溝殘缺之處甚多各員欽蒙當

硃批諭旨

上

呈

嵇會筠

聖恩俞允暫留本任三月俱爲切己工程自當竭力補  
修不致推諉觀望臣現在委員嚴催勒限修理再  
查江南邳州所屬南岸朱家海於六月十五日漫  
溢聞大溜由宿遷虹縣泗州而達洪澤湖其缺口  
迤下正河淤淺而漫溢處所又未成河形水勢散  
漫下流未能暢洩誠恐上游之水或有停蓄臣念  
伏汛雖過秋汛踵至急須先事預防現在武陟各  
處險工俱經竭力下埽加鑲次第催儻告竣臣卽  
親查兩岸相機料理秋汛事宜凡堤上雨淋殘缺  
躬自督催填補應加築子堰之處卽行搶築應加

修壩工之處卽行搶修務期一律完固以保安瀾  
理合恭摺奏

聞上慰

聖懷伏祈

睿鑒謹

奏 臣 謹 奏  
近因畿輔一帶地方秋雨連綿朕甚爲豫省堤工憂之  
切須加意防護毋致疎虞  
雍正三年九月十九日副總河兵部左侍郎臣嵇

會筠謹

殊批諭旨

上

吳

嵇會筠



奏爲秋汛已過工程平穩據實陳奏上慰

聖懷事竊照本年伏秋二汛大雨頻仍黃沁水漲較甚  
往年凡遇頂衝掃灣處所水與堤平致多危險幸  
蒙我

皇上明燭機先預發帑金俾臣相機料理獲資捍禦仰  
見

皇恩浩蕩

睿鑒照臨靡不洞悉周詳矣今查風狂雨驟之際水勢  
洶湧工程之最險者南岸則鄭州之余家莊薛家  
寨林家莊祥符之程家寨姜家莊考城之縷水堤

虞城之待賓寺劉家口潘家莊等處北岸則武陟  
沁河之西壇大虹橋陽武之大賓周家莊熊家莊  
鴈李等處其時在工大小各員并效力等官莫不

聖恩感激

聖恩竭力用命而其中冒雨衝風奔馳策應往來巡察  
晝夜靡寧者則管河道副使佟鎮禮部堂主事朱  
藻歸德府知府祝兆鵬也不避風雨駐宿堤頭奮  
勇爭先督率搶護者則上南河同知拖克拖海下  
南河同知劉永錫上北河同知潘尚仁沁河通判  
李世傑署歸河通判胡琰也各搶各工早夜修防

雨淋日曬足不離堤者則鄭州知州高文愷考城縣知縣高鏗虞城縣知縣唐綏祖武陟縣知縣靳樹賢陽武縣知縣鮑學沛也以上各員所轄工程雖當極險俱保平穩其餘各屬亦俱修防罔懈惟蘭陽儀封兩縣因水湧浪急人力難施民堤漫溢致將大寨板廠後大堤各漫塌十餘丈仰賴聖主福庇水勢漸減官民鼓舞竭力爭先俱不旬日而合龍竣事但板廠大寨漫口俱用夾土壩堵築誠恐未能堅固當同河臣齊蘇勒面商加築戩堤以爲捍衛臣親身督僱一律高寬務保無虞除嚴飭

道廳印官將凡有應行修補之工逐細勘估具詳  
臣覆加親勘明確會同河撫二臣具題  
題估外今因

欽差學士臣何國宗等查看漳衛二河將次到豫臣於  
聖安會議漕運事宜理合  
奏明仰慰

聖懷爲此謹  
奏

所奏俱悉在工大小各員奮勇效力雖屬可嘉但今歲

硃批諭旨

上

哭

稽曾筠

堤岸兩處漫塌不便加恩議敘仍命伊等勤慎供職能保明歲工程無虞自有優典下頒也

聖訓 雍正三年十月初二日副總河兵部左侍郎臣嵇

曾筠謹

奏為謹陳豫工情形仰祈

睿鑒事竊照豫省堤工年久廢弛蒙我

皇上軫念運道民生不惜帑金大加修治一切明險之工俱已加幫高寬足資捍禦惟外有民堤月堤之處當時原估之員從慎重錢糧起見既有重門可恃暫緩加幫俱未入估卽間有估修者亦不過每

丈加土兩三方畧補殘缺但民堤築自民間卑矮虛鬆非若大堤之高寬堅實而月堤亦多年不修單薄頽圯均難足恃查豫省堤工每因民堤成患如本年儀封縣之大寨蘭陽縣之板廠皆民堤先潰致漫大堤卽前年中牟縣之楊橋十里店亦俱因民堤漫開可見暗險之工因有恃而失所恃前車可鑒急應為綢繆未雨之計也又查加幫大堤原估之時工程綿遠俱未測量地勢之高下而槩行估計是以每有間段高低未能一律今秋水漲其地本高者堤亦高水不能漫至低處水平堤頂

危險非常隨於堤上加築小堰暫為抵禦亦非長  
久之道此皆實在情形臣往來巡視目擊心做者  
也臣仰體 皇上慎重河防至意不敢苟安目前草率從事謹委諸

練河員逐細算估臣再行覆勘明確與河撫二臣  
會核

題請興修以期永遠無虞上慰

聖懷理合先行

奏明伏祈

皇上睿鑒謹

奏

此論似屬有理但當加詳加慎再四斟酌方不被人檢

點也

奏為敬陳下悃仰祈

睿鑒事竊臣猥以菲材荷蒙 皇上天恩擢用管理豫省河務自雍正元年六月內到

皇上念臣貧乏工本固土懇

恩賞銀兩臣舉家頂戴今在豫二年有餘惟存敬事後

殊批諭旨

上

辛

嵇曾筠

恩賞食之心早夜刻苦自勵以求  
上蒼鑒憐得保堤工永固上慰

聖懷則臣願足矣何敢計及身家但副總河有巡查兩  
岸工程稽查錢糧之責出門車馬船隻幕賓書吏  
從役飯食及紙張等物俱不能無費臣謹守儉約  
竭力支持今則日給不敷拮据尤甚伏懇

聖主洪慈賞給養廉俸薪水無缺則自今以後食德飲

和皆出自

皇上天恩之所賜也臣不勝感激惶悚之至為此恭摺  
奏瀝陳下悃伏祈

皇上睿鑒謹

奏

據實陳情嘉悅覽之養廉之需安可一日缺乏但應取  
給何項朕未悉其宜密以奏聞候酌定有旨

雍正三年十一月二十六日副總河兵部左侍郎

臣嵇曾筠謹

奏為奏

聞事竊照豫省料物全藉秫稻而秫稻係八月內收穫

不比江南蘆葦至霜降後開採購辦稍遲誠恐價

漸昂貴臣隨會面飭行管河道通融河銀酌給各

殊批諭旨

上

奉

嵇曾筠

廳預備一面會同河撫二臣恭疏具  
題請撥銀五萬兩嗣准部覆奉

旨依議速行欽此欽遵當於十一月初九日據布政司  
移解河庫銀五萬兩除撥還河庫歸款外餘俱陸  
續酌量找發現據各該廳分投採買運貯工所爭  
先恐後務期歲內辦全無誤下年之用理合

奏明上慰

聖懷謹

奏

據奏辦料各員爭先恐後甚善但須運貯在工者委無

虛捏方收實效也

雍正四年三月十三日副總河兵部左侍郎臣嵇

會筠謹

奏為恭報桃汛平穩仰慰

聖懷事竊照今歲立春以來天氣融和水勢微長至清  
明以後發水二尺有餘因兩岸灘地俱高桃汛雖  
屆不致出槽一切堤工俱極平穩奉  
旨增卑培薄等工業經飛飭廳印各員擇險先修臣親  
自往來催儆所有歲修埽壩工程亦俱上緊修防

硃批諭旨

上

至

嵇會筠

聖訓惟有戰兢惕勵盡心竭力逐一相機辦理不敢稍  
誤今於三月初七日遵照部文自蘭陽起程前赴  
彰德府等處會同  
欽差內閣學士臣何國宗等并撫臣田文鏡勘議漕運  
河道泉源事宜俟會議事竣仍星馳蘭考一帶督  
工料理謹將桃汛水勢工程平穩情形據實奏  
聞上慰  
聖懷謹

奏

凡事每成於難而敗於易人情多慎於危而忽於安母

因桃汛平穩遂爾稍涉疎慢須保固數年河底日漸刷  
深永無出槽之虞方可釋懷也

雍正四年四月十六日副總河兵部左侍郎臣嵇  
曾筠謹

奏為報明立夏以後黃水長落情形仰祈

睿鑒事竊照今歲自桃汛以來水勢平穩至四月初六  
七等日甘霖疊沛河水漸長一尺有餘業經

奏明在案臣正在蘭陽儀封地界督工據汛弁報水  
自初十至十二日共長七尺祇緣連雨三日凡伊  
洛瀍澗竝丹沁諸水一時齊下是以黃流驟漲出

槽漫灘直注堤根荷蒙

皇上隆恩諭令增卑培薄現在擇險先修凡係緊要處  
所及時趕築官弁夫役雲集堤岸齊心搶護兩岸  
皆保無虞今幸天氣晴明水已消落堤工平穩臣  
惟有欽遵

諭旨竭力殫心矢勤矢慎董率屬員兵夫加謹防護保  
守仰報

皇上簡任之恩於萬一耳所有黃水長落情形理合據  
實奏

聞伏乞

睿鑒謹

奏

覽奏黃水長落情形知道了今歲入夏以來雨澤頗饒  
一切堤工倍加小心守禦毋忽

雍正四年五月二十八日副總河兵部左侍郎

嵇曾筠謹

奏為恭報五月內工程水勢平穩情形仰祈

睿鑒事雍正四年五月初四日臣接到

皇上御批臣恭報水勢奏摺欽奉

硃批諭旨跪讀之下仰見

硃批諭旨

臣

嵇曾筠



皇上軫念河防諄諄誥誠臣惟有凜遵

聖諭倍加小心奔馳巡察以求保固無虞今查新估增  
卑培薄等工其至險至要之處如蘭陽縣之板廠  
儀封縣之大寨楊家橋堽陽堤祥符縣之青谷堆  
瓦子坡程家寨商邱縣之蔚家窪楊家堂虞城縣  
之劉家口凡係臨河外越堤工臣俱往來親督晝  
夜催儻完固皆已有重門保障其餘亦不時查勘  
嚴飭上緊修築至考城縣支河六道臣親往外灘  
相度形勢率領通判葉光會知縣高鏜等駐工催  
儻盡行堵塞大堤又用埽鑲護足資保固所有歲

皇上搶工程業已分投儻修仍多積料物以備抵禦且  
臨河越堤搶築之後堤內灘地二麥全收百姓歡

萬歲喜出望外其堤外被水窮民亦皆赴工覓食現在  
各處秋苗盛發水勢隨長隨消工程平穩此皆我

皇上敬五四廿六日二十日臨縣所具將式者  
天勤民休徵協應之所致也所有五月內工程水勢情形  
理合奏

聞恭慰

聖懷伏祈

硃批諭旨

睿鑒謹

奏

前月下旬霖雨疊沛直隸大小河道一時驟長勢甚洶湧朕顧念中州深為懸切覽奏曷勝慰悅敬之慎之

雍正四年六月二十九日副總河兵部左侍郎臣嵇曾筠謹

奏為恭報六月內工程水勢平穩情形仰祈

睿鑒事雍正四年六月十五日臣從儀封縣北岸渡河

查勘南岸一帶堤工行至滎澤縣地方接到

皇上御批臣恭報五月內工程水勢奏摺欽奉

硃批諭旨跪讀之下仰見我

皇上宵旰精勤靡刻不以中州河道上厯

宸衷臣菲材薄植欽承

簡任惟有凜遵

聖訓矢勤矢慎愈加奮勉以期保固平穩查自六月以

來雨澤頻施河水屢長幸賴

皇上福庇各處堤埽工程俱已有備所以六月內水勢

雖長而循途順軌並未泛漲臣受

恩深重值茲汎水屆臨心神悚懼尤宜竭誠辦理卽溽

暑烈日狂風驟雨中亦必每日巡查務期兩岸周

遍并嚴飭廳汛員弁俱住宿堤頭督率兵夫晝夜  
防守僱工該員等亦皆踴躍感奮遵行弗懈至於  
各工明險之處臣已屢次經營相度修理完固卽  
極不經意之地以及凡民堤之畧有關於大堤者  
尤必細加踏勘防範周密弗使稍留罅隙致有疎  
虞今伏汛已經過半工程甚是平穩此皆我  
皇上念切民瘼勤求治理以致

河神默佑兩岸安瀾所有六月內工程水勢平穩情  
形理合奏

聞伏祈

睿鑒謹啟

奏

今歲甫交夏令卽觀淋漓景象朕深懷隱憂不料大雨  
時行之際乃更如是晴霽實甚爲慶幸但近年來秋汛  
每盛於伏汛惟當慎之又慎方免意外之虞河身較前  
稍覺刷深否莫不隨時查勘水勢平穩計汛  
皇上雍正四年八月初七日副總河兵部左侍郎軍機  
大臣會同謹啟

皇奏爲恭報七月內工程水勢平穩情形仰祈

睿鑒事雍正四年七月十七日臣查工至考城縣地方

硃批諭旨

上

五

稽會筠

春鑿接到五四字十月十日且查工至未始練試  
皇上御批臣恭報六月內工程水勢奏摺欽奉  
硃批諭旨跪讀之下仰見我

皇上宵旰勤勞精誠感格遂致雨暘時若水土平寧凡  
屬臣民莫不額手稱慶查伏汛水勢平穩情形臣  
謹循例於七月十三日會疏

題明在案嗣後秋汛漸盛至七月十九日共長五尺  
有餘臣往來兩岸目擊水勢雖長風浪甚平一切  
堤埽工程防衛周密且旋長旋消波恬工固臣惟  
恪遵

聖訓更加勤慎督率廳汛等官多備料物上緊修守勿  
敢一刻稍懈今白露伊邇務期保固平穩上慰

聖主軫念河防至意伏查河身自雍正二年三年以來  
但當恪慎防護毋稍肆志  
即已漸次刷深今欽奉

諭旨隨飭各廳汛員弁逐一探量具報前來謹將現在  
深淺丈尺分別廳縣另繕奏摺恭呈

御覽但豫省地勢南岸高於北岸故同此一河而深淺  
各異且黃河水性變遷靡常大溜趨向無定溜走  
則水急沙行而河深溜移則水緩沙停而河淺似  
難畫一更間有支河分水以及曾經漫溢之處其

河泓亦較他處稍淺然皆在一丈以外今兩岸堤工鞏固水由地中河身自當愈刷愈深也再查目下正值秋汛水長之際中泓拋錨探量大溜湍激不能直下恐間有未準之處應請於霜降後水勢平緩再行確探具

奏合併聲明所有七月內工程水勢平穩情形并河身刷深緣由理合奏

聞伏祈

睿鑒謹

奏

朕所問者目前大槩情形耳據奏水性變遷靡常大溜趨向無定云云能保霜降後遂不復如是乎凡如此等顧慮己身利害預爲防譴避過之舉君臣間不宜有此隨事直陳身本無過舉實以對心亦無私無私無過何嫌何疑而用避爲總之一涉不誠則非固私是亦私罪固私功亦私懈惰亦私勤勞亦私疎慢亦私謹慎亦私根本旣差無往而非私矣自三代後漢唐以來臣道日趨於僞不特今日爲然諸卿遭遇朕躬當共勉力改除以挽此頽風否則莫冀朕推心置腹也勉之

雍正四年八月十六日副總河兵部左侍郎臣嵇

會筠謹  
奏爲秋汛方中工程平穩據實上

聞恭慰

聖懷事雍正四年八月十二日臣接撫臣田文鏡自關中所發書字內云七月二十二日將立秋以後汛水安瀾情節具摺奏

聞至八月初九日跪接

皇上硃批奏摺奉

旨覽奏早晚禾稼豐茂工程平穩各情形深爲慰悅但朕心意之間只覺今歲秋汛似有可虞目下正當水

勢長落不定之際汝與嵇曾筠其協力同心謹防毋忽欽此欽遵擬卽繕摺覆

奏因在棘闈不敢用墨祈卽代爲入

告恭慰

聖懷等因臣跪讀

諭旨不勝惶悚恐懼感激奮勉查七月內工程水勢平

穩情形臣已於八月初一日繕摺恭

奏自八月以來秋陽晴皎雖於初五六等日長水四

尺有餘旋即消落不似上年壅滯卽此可徵河底深通之驗今白露已過水勢日漸歸槽卽至霜降

可幸無虞臣細閱水勢查北岸武涉釘船幫一帶  
自蒙

聖恩俞允發帑挑挖倉頭中灘引河吸引大溜自西而  
東今趙莊壩迤下悉淤成灘地釘船幫秦家廠等  
處工極平穩迤下原武陽武封邱支河堵塞非有  
大水不到堤根其祥符陳留蘭陽北岸水勢掃灣  
拖溜皆有重堤護埽惟儀封北岸之三家莊與東  
省芝蔴莊接壤大溜滌澗河形尚有南北頂衝之  
勢已經多積料物調集兵夫晝夜修守現在增築  
越堤務期有備無患其南岸自滎澤鄭州中牟皆

係從前險工連年修守土埽工程俱極堅固迤下  
祥符陳留蘭陽儀封考城商邱虞城等處內外大  
堤越堤業已增培高厚埽工時時鑲墊兼之今歲  
秋收豐熟料物雲集工程修整足資捍禦撫臣田  
文鏡坐鎮省城分遣官役查察臣曾筠奔馳兩岸  
晝夜催僱埽埽等工凡明險暗險之處俱相機盡  
力修防仰賴

聖主福庇今歲工程定可保固平穩荷蒙

聖諭詳切臣惟有愈加勉勵盡心協力加謹防護仰副  
睿慮憂勤不敢片時稍懈所有欽奉

硃批諭旨

上

空

嵇曾筠

殊批諭旨事理謹將工程水勢平穩情形據實奏  
聞上慰

聖懷謹

奏

朕懷今始釋然矣能似此保固數年河底漸深水由地  
中行永奠安瀾我君臣慶慰更當何如耶勉之

雍正四年八月二十七日副總河兵部左侍郎臣

嵇曾筠謹

奏爲欽奉

上諭事雍正四年八月十九日臣查工至蘭陽縣南岸

地方接到

皇上御批臣恭報水勢平穩河身刷深奏摺欽奉

殊批諭旨臣跪讀之下惶悚愧汗恐懼警醒感激涕零

伏惟我

皇上聖明天縱洞悉水勢河身刷深祇問大槩卽至霜

降後河性變遷亦不能料

聖諭詳明透徹朗照高深而愚昧如臣因盼望河身刷

深之念甚切旣已分檄各屬清查又親在蘭陽儀

封渡口自行探量復廣爲咨詢以期考究河身確

實分數而仍未能畫一因於

殊批諭旨

上

空

嵇曾筠



奏摺內聲明上瀆

聖聰臣之下愚固塞一至於此咎實難追理應卽  
賜處分廼蒙

聖主使過洪慈諄諄以誠之一字爲端本之要剴切訓  
勉臣欽承

提命感愧交併竊幸遭逢

聖主受

知最深蒙

恩極厚清夜捫心勉圖報效況河務關係重大臣惟有  
戰兢惕勵一心端本屏去百私實力遵行

聖訓以盡犬馬之忱於萬一耳所有奉到  
訓旨事理謹將感激遵行緣由繕摺具

奏恭謝

天恩伏祈

睿鑒謹

奏

接閱朕諭要當自省有則改之無則加勉已耳清夜捫  
心四字外何庸多語

雍正四年九月二十八日副總河兵部左侍郎臣

嵇曾筠謹

殊批諭旨

上

空

嵇曾筠

奏爲河工關係緊要籲懇

聖恩特簡熟諳道員以收實效事竊查管河道佟鎮欽  
奉

上諭革職候審將來補放道員

聖明自有定鑒臣何敢妄爲奏請惟是豫省河道有估  
計工程收發錢糧之責况規模甫定善後需人必  
須熟諳河務之員方於工程平險估計無差錢糧  
緩急給發得宜若稍有未諳旣不能綢繆於未雨  
又復固執於臨期恐黃流湍悍呼吸變遷未免於  
河工諸事坐失機宜難收實效伏念我

皇上聖明天縱洞悉河防大小臣工均屬照臨之下仰

乞

聖裁特簡諳練河務人員俾其管理河南河道庶工程  
平險無倒置之虞而錢糧緩急亦無失機之患兩  
河萬姓均沐

天恩於無旣矣爲此恭摺

奏懇伏祈

睿鑒謹

奏

覽奏知道了朕正爲此缺詳審斟酌汝知有稱職之員

硃批諭旨

上

寄

稽會館

否具奏以聞

雍正四年十月十五日副總河兵部左侍郎臣嵇

會筠謹

奏為堤工已經告竣微臣奉

命日久恭請

陛見跪聆

聖訓事竊臣一介寒微至愚極陋荷蒙

皇上洪恩拔臣卿貳授臣重寄感激涕零莫能言喻自

奉

命河南堵築十里店漫口以至修防兩岸堤工經寒歷

本署三載有餘瞻望

天顏彌深依戀犬馬私衷刻不能釋茲當霜降過期水

落工平之候臣一面移咨撫臣田文鏡會收堤工

查核錢糧外現在繕本具

題恭請

陛見伏祈

皇上洪慈俯賜

俞允俾臣得瞻

天仰

聖跪聆

殊批諭旨

上

奎

嵇會筠

訓旨則微臣三載孺慕之忱庶可少慰於萬一矣臣謹  
繕摺請

旨伏乞

睿鑒謹

奏

身在河南尚然應酬不暇若至都中更多親友及勢要  
之覲面纏繞耳毫無益處陛見之行不必

雍正四年十一月十五日副總河兵部左侍郎臣

嵇曾筠謹

奏為遵

旨查勘引河情形事雍正四年十月二十二日臣具摺

恭

進黃沁安瀾圖本月二十三日奏事張文彬傳臣齎

摺家人展圖指示口宣

皇上聖旨令於所指之處或應開挑引河一道若別處  
有形勢類此者俱應相機開河傳

諭到臣欽此欽遵臣當即率領河員乘船相度伏查黃

河形勢東西暢流則勢順而安恬南北斜衝則勢  
橫而激蕩今河身上自廣武山而下引河深通尚  
能東行於兩岸之中而祥符以下河勢多曲每遇

殊批諭旨

上

奏

嵇曾筠

掃灣轉溜卽成南北斜衝兩岸險工均坐此病如南岸考城之司家道口等處北岸儀封之三家莊其最著者也細閱河身自儀封北岸之趙家寨迤西灣環起勢直走正南至考城之縷水堤迤北環向正東掃逼勾家寨洶作堯灣每至水長之時下行不暢則橫流旁注汕成支河分道南侵此考城司家道口一帶受病之源也又自勾家寨斜趨西北折行東北經豫省之三家莊東省之芝麻莊等處繞道而南至王家樓迤下方斜流東注此北岸日查兩省險工受病之源也今若將南北兩灣從中挑

斷引水直流則改南北之形而成東西之勢兩岸工程誠有裨益但從來開挑引河必須河頭有吸川之形河尾有建瓴之勢方可期其必成至於上下接挑尤必上段之河尾與下段之河頭吐納相應呼吸相通方能一氣貫注今查儀考兩邑之河灘皆係平沙漫衍竝無西高東下之勢而兩層首尾亦不能直接順通且河頭接溜之處去北岸較遠而離南堤較近恐北岸之險雖去而南岸之險復增似難必其萬全臣兩年以來因儀考堤工告險往來救護舟楫頻經再三相度緣未獲因勢利

導之機宜未敢冒昧陳

請今惟有督率各員加緊保守以防明歲汎水倘河形遷改機遇可乘卽當隨時具

奏開挑斷不敢因循貽誤也至於此外工程則有祥符縣南岸之程家寨蘭陽縣南岸之四水口險工似應疏濬而形勢亦未敢輕議伏念我

皇上神功聖德宵旰河防費百萬之帑金垂兩河之永利而臣謬膺河務所晝夜縈心者惟期事出萬全功在必成固不敢因工大而畏難亦不敢因急功而輕舉是以逐細查勘再三斟酌茲河身甫漸刷

深若改挑引河舊時深處變爲淤淺新挖河槽未必驟深臣愚以爲不如盡力保守兩岸堤工詳看全河形勢倘有動移卽當因利乘便估計開挑以慰

聖懷臣不揣愚昧敬陳管見所有查勘各工堤河情形謹繪圖貼說并前

進黃沁安瀾圖恭呈

御覽伏乞

皇上聖裁指示遵行謹

奏

硃批諭旨

上

奏

嵇曾筠

覽奏朕甚嘉悅如此方是若不論當否一味逢迎阿順  
我君臣將無貽天下後世笑柄乎百凡行爲當以斯事  
之居心爲準乃朕所朝夕期望於諸卿者勉之朕昨閱  
圖不過偶爾之見聊就紙上商較形勢耳果有深知確  
見處則何不明白批諭而猶爲此泛泛一詢耶

同日又

奏爲恭謝

天恩仰祈

睿鑒事雍正四年十一月初三日臣於蘭陽北岸工次  
接到

皇上御批臣恭請

陛見奏摺欽奉

殊批諭旨跪讀之下感懼涕零悚惶無地竊臣一介庸  
愚荷蒙

皇上軫念河防委以重寄任事之後戰戰兢兢觀此兩  
岸民生所係全河運道所關惟有殫盡血誠勉竭  
駑駘三載以來自朝至暮奔走不遑未敢應酬外  
務所以從前親友間有寄書通候臣總置之不答  
至於勢要之家臣孤蹤苦行素無交際恭逢我

皇上乾剛整肅法紀嚴明舊時勢焰早已化爲灰燼况

臣蒙

特簡以來

知遇之榮逾於常格臣更有何希冀而周旋請託且於  
河工要務設有未協貽誤匪淺臣雖至愚不敢作  
此輕重倒置之事伏念臣父以諸生殉難臣母以  
青年守節孤苦伶仃竝無依倚今臣母年已七十  
有九衰殘多病風燭堪虞臣感荷

天恩高厚每漸報稱無能祇有孑然一身畢力河干即  
垂白媿親不能兼顧於情似易親友勢要置之不答於  
事轉難何則父母愛子莫不能兼顧而親友勢要更非臣  
意念之所計及此犬馬苦衷不得不泣陳於

此種言辭祇堪敷陳於漢唐宋明間之庸主耳非三代  
聖主之前也總緣臣愚昧無知愆尤叢積負罪滋深理  
以上一德一心君臣之談也  
應即

賜罷斥嚴加處分迺蒙

皇上天地為心父母為念格外姑容再三

訓飭令臣捐軀難報夢寐懷慚惟有時深警惕不敢絲  
毫瞻顧專心致志竭力辦公念念求其補過事事  
求其有益庶幾仰報

聖恩於萬一耳所有欽奉

諭旨事理臣謹繕摺恭謝

天恩伏祈

殊批諭旨

上

七

稽曾筠



睿鑒謹

奏

知過能改朕無不見諒若猶事彌縫則亦莫之怨矣

雍正四年十二月初五日副總河兵部左侍郎

臣

嵇曾筠謹

奏爲瑞雪年豐凌汛平穩據實奏

聞事竊照本年十二月初旬大河南北瑞雪豐盈自一尺至二尺不等兩岸黃河水堅水凍臣以凌汛屆期有關堤埽一面檄委防護一面親詣查閱伏見凌從灣積溜激冰高本月初七日以後天氣漸融

河水流澌循槽順軌各工堤埽竝無剗刷而四野父老具言臘雪普霑土膏滋潤不特來歲二麥有收更且秋成可望靡不共相慶幸咸頌我皇上深仁厚澤是以預兆豐年臣身歷河濱目擊情形不勝忭舞謹據實奏

聞伏祈

睿鑒謹

奏

且慶目前流澌順軌莫言來歲禾麥豐登敬待

天工主持之事何敢預爲逆料也野老無知此等過頭語

殊批諭旨

上

主

嵇曾筠

當切戒之

同日又

奏爲泉源利濟漕艘通行據實奏

聞恭慰

聖懷事竊惟豫省糧船全資丹衛二河濟運而丹衛合流又需各處山泉滙集查衛輝府輝縣蘇門山有百泉水池臣於上年九月親履其地逐細審視見泉池西首伏有泉眼因爲另鑿一池源源滾滾與百泉無異當經奏

聞叩請

天恩敕封衛河源神蒙我

皇上親灑

宸翰御書靈源昭瑞匾額懸掛廟庭

聖藻輝煌日星炳耀山川生色父老歡呼臣於今年二三月內復行開鑿石竇砌築陡崖盡力疏濬泉源渙發更加滂沛其餘各道山泉當此隆冬枯涸之奏時俱皆暢達滙入丹衛交流茲據河南糧道楊夢春鑒琰具報於十二月初八日豫省糧船盡數開行無聖誤此皆我

皇上至誠感格河嶽效靈之所致也理合據實奏

殊批諭旨

上

三

嵇曾筠

聞恭慰 屬慰 靈之 聖懷伏祈 聖懷伏祈 聖懷伏祈

睿鑒謹具 十二月 鬼神之爲德體物不遺至於龍之靈感莫測尤爲顯著  
既身司河務當克敬克信慎勿杳渺視之也  
聖嘉雍正五年正月初四日兵部左侍郎河南副總河  
兼管山東黃河堤工 臣嵇曾筠謹  
皇奏爲恭報

聖世河清昌期嘉應事竊照豫省黃河自雍正四年十

二月初七日以後天氣漸融流漸順軌凌汛平穩  
臣已恭摺具報嗣於十二月初九日起漸見澄清  
至十六十七等日尤爲清徹隨委員各處查驗於  
十二月二十七二十九等日據管河道廳具報上  
自陝州下至虞城河清嘉瑞前來 臣現駐河濱臘  
底新年屢爲查閱果見河水湛然竝無沙滓而且  
二旬之久千里之遠澄清清徹一氣綿長誠爲千  
古奇逢史冊罕載者也伏念我

皇上

誠格靈祇

殊批諭旨

三

嵇曾筠

德懷河嶽源從天上奇徵孚洽

穹蒼水由地中異瑞彌昭清晏敷聲教於四海同風之盛  
奠清寧於萬年有道之休臣不勝踴躍歡忭容於  
開印後繕本

題報外理合恭摺奏

聞伏乞

睿鑒謹

奏

河清雖屬可慶之瑞朕自顧德薄倍加凜畏我君臣當  
更相警勉以期仰答

蒼穹之眷佑耳

同日又

奏為恭謝

天恩仰祈

睿鑒事雍正五年正月初三日臣於祥符縣北岸工所  
准工部咨內開奉

旨近年豫省河務險工下移堤岸完固平穩山東河務  
甚屬緊要向係山東巡撫管理但巡撫有地方責任  
恐不能專理河務山東與河南接壤作何令副總河  
嵇曾筠兼管之處著九卿會議具奏欽此欽遵該臣

殊批諭旨

上

吉

嵇曾筠

等會議得山東與河南接壤皆黃河所經兩省堤  
工最稱險要查河工事宜本係總河專責今河南  
既設有副總河現駐武陟等處與山東接壤理應  
欽遵

諭旨將山東與河南接壤之曹縣定陶曹州單縣城武  
等處附近黃河地方凡一切修築堤岸等工應交  
副總河嵇曾筠就近管轄等因奉

旨依議欽此移咨到臣隨恭設香案望

闕九叩祇承

諭旨恭謝

天恩訖竊臣一介菲材遭逢

聖主幸蒙

特達之知非常之遇及至謬膺河務皆賴

聖謨指示

睿慮周詳而臣報稱無能愆尤叢積方深惕勵悚惶迺  
蒙我

皇上新恩特沛委任有加臣聞

命之下感激難名惟有益加奮勉殫竭駑駘冀報涓埃

伏念河防緊要東省曹單等縣黃河尤爲逼近運  
河攸關匪細趁此桃汛以前亟宜加意修守一面

硃批諭旨

上

七

嵇曾筠

將豫省南岸委管河道祝兆鵬北岸委主事朱藻  
令其分投逐工清查埽料沿堤催督兵夫種柳積  
土臣卽於正月初七日前往山東查勘黃河堤埽  
工程其修防措置事宜容臣另摺恭請  
訓示遵行所有微臣仰荷

新綸蟻忱感激理合具摺恭謝  
天恩伏乞

睿鑒謹

奏

竭力勉爲之太上云忘其身而身存此語豈特長生久

視之良方卽係保祿全名之要道在善於推類而體會  
之耳試觀致身奉公者莫不爲

神明所佑巧詐趨避者率皆被造物所忌縱獲目前小利  
日後必罹大咎徵驗昭然歷歷可鑑朕之醒世格言內  
外諸臣當佩服以爲終身誦果能躬行實踐至受益時  
方感朕一片苦衷也汝其勉諸  
條奏一摺交廷臣議覆有旨

雍正五年正月十九日兵部左侍郎河南副總河  
兼管山東黃河堤工臣嵇曾筠謹

奏爲敬陳東省黃河堤埽工程事宜仰請

殊批諭旨

上

奏

嵇曾筠

聖訓以固修防事竊臣奉

命兼管山東黃河工程遵於雍正五年正月初七日自豫省之儀封交界起至江南之碭山交界止將東省曹單二縣堤埽工程細加踏勘查得北岸曹單一縣境內共計堤長四萬一千四百丈南岸曹縣境內共計堤長七百五十七丈而北岸之堤密邇運道所關尤重今內外俱有重堤復有越格等堤包護周密立法綦善但臨河縷堤歷年久遠每多殘缺卑薄應擇其險要審其緩急以次加幫修守不懈自足以資鞏固惟曹縣北岸之芝麻莊一工

勢當黃河大溜每遇汎水長發全黃直射撞激堪虞查該工已於雍正三年河臣齊蘇勒於詳請發帑等事案內捲下順埽一百七十二丈復於雍正四年請開引河等事案內加添魚鱗護埽一百八十五丈并於上流建築挑水壩一座又題明撥調江南河營汎弁帶領河兵二百名駐工防守其所以捍衛大堤敵黃保運者法亦盡矣但修工全資料物而辦料貴在先時今該工堆貯物料寥寥無

幾時已交春豈容延緩臣查魚鱗護埽係曹縣知縣徐文燦承修尚在保固限內至本年四月初二

姑容料物不全所司何事從前之該管上司失於查察  
日方得滿限例應該縣備料加修至順婦一百七  
均有不合好好先生斷不可為工程倘致疎虞卸責晚  
十二丈久經限滿理應歸入歲修動帑辦理修防  
矣

若不預行購辦貯工應用將來青黃不接恐至貽  
誤工程運道民生關係匪小臣一面嚴飭該縣飛  
儻各料星夜運工加謹保固外仍一面移咨河臣  
齊蘇勒會稿

題請歲修并飭令山東布政司速即酌發帑銀交給  
甚屬緊要

該地方官辦運料物以為防守伏秋之用統於霜  
降後核實

題估彙入該年歲修案內報銷此外倘有應行下埽

并鑲下防風之處容臣臨時相度形勢斟酌機宜  
分別輕重按段增修庶捍禦有資而要工之修防  
無誤臣管窺淺見冒昧陳

奏是否有當伏祈

皇上俯賜訓飭指示以便敬謹遵循為此繕摺具奏伏  
祈

睿鑒謹

奏

覽

雍正五年二月十三日兵部左侍郎河南副總河

殊批諭旨

上

庚

嵇曾筠



兼管山東黃河堤工臣嵇曾筠謹

奏爲欽奉

上諭事竊臣奉

命兼管山東黃河工程已於正月初七日前赴東省查閱堤工至曹縣芝麻莊見埽壩工程正需修理而所存料物甚少惟恐遲延貽誤隨一面嚴飭曹縣知縣徐文燦星速趲辦以防桃汛一面會稿

題請歲修并檄行布政司酌撥銀六千兩交給該地方官購備料物以防伏秋業經奏明在案蒙

皇上訓諭嚴切隨即欽遵飛飭廳縣等官星夜上緊辦運倘稍有玩延卽行嚴叅今臣由南岸查工渡河望主而北於二月初九日復至芝麻莊查秫稽草束各望附料俱已運貯堤頂臣隨令江南河營千把總并該奏汛員開工整理舊埽按法加鑲簽椿壓土務須十分堅固以資抵禦是桃汛之修防定可無誤矣其

伏秋兩汛應需料物亦必於此時及早辦貯免致青黃不接臨時掣肘雖藩庫銀兩尚未移解前來臣已檄飭廳印各官將大堤徭夫歲修銀兩先行通融購備俟布政司銀兩解到給還俱不得藉端

延緩該員等現在竭力置辦但工程錢糧俱係河道專責今署究寧道事登萊道徐德倣竝不到工查察亦未見具文詳請預備料物玩延之咎已於請帑備料疏內附叅其餘各員如有始勤終怠者亦卽據實叅

奏不敢姑容貽誤臣惟有恪遵

聖訓先事預圖務期工程鞏固有備無患以仰副

聖主軫念河防至意所有該工現在趲備料物緣由理

合據實

呈奏明恭慰

聖懷仰祈

睿照謹

奏

如此方是凡封疆任事大臣咸肯毅然正色秉公執法朕復何憂何慮治平之道先在察吏用得其人事無不理天下又安萬姓蒙福矣假若一味姑容以邀譽市德馴至諸務廢弛法紀蕩然上則貽誤國計下則流毒生民作孽日滋而不之覺方且自以爲寬仁長厚寧不大謬歟無論

天道報施卽以人情揆之亦知其必不獲免大抵習染最

易惑人流俗相沿視爲長技忽被晨鐘警醒始信從前庸愚小見之可笑也

雍正五年三月十三日兵部左侍郎河南副總河兼管山東黃河堤工臣嵇曾筠謹

奏爲欽奉

上諭恭謝

天恩事雍正五年二月二十九日恭接

皇上御批臣奏請東省芝麻莊辦料事宜一摺臣跪讀聖訓開示嚴明提撕諄切無任感悚竊臣樗櫟庸材荷

聖訓蒙

皇上天恩拔擢卿貳委任河防涓埃未效報稱無能清夜捫心每爲感泣祇以河務重大關係匪輕臣夙天恩夜兢兢盡心學習而諳練未深所以臨事徘徊愈

皇上增鈍拙蒙我

皇上知炳幾先慮周事後屢頒引之當於以心辨訓諭誥誠詳明俾臣凜遵

聖訓勉竭駑駘四載以來得有今日皆沐皇恩皇上之生成教育自愧下愚質魯警覺偏遲閱歷多年

天恩始知醒悔迺蒙皇恩草木日滋水外而不賦聖恩高厚卽爲鼓舞作新前此之惑大業

硃批諭旨

上

全

嵇曾筠

諭臣如此方是則知微臣前此之愆尤叢積均荷

天恩寬宥曲子矜全昆蟲草木日遊光化而不知覆載

皇上之包容今跪讀

恩綸感激無地惟有殫盡血誠執法察吏但求公事有  
情益不敢絲毫瞻顧恪遵

聖諭力去庸愚之小見勉效大臣之當務以仰報

皇上洪慈於萬一耳臣謹繕摺恭謝

天恩伏乞

睿鑒謹

星奏

朕竝非崇尚苛刻但欲卿等秉公執中不欺不徇耳若  
毫釐錯會則謬以千里矣

雍正五年四月十八日吏部右侍郎河南副總河

兼管山東黃河堤工臣嵇曾筠謹

奏為恭報水勢長發工程平穩仰慰

聖懷事竊豫省黃河南北兩岸堤工荷蒙

皇上睿謨指示發帑興修俱各加幫高厚即險汛下移

間有新生險工及零星殘缺之處亦俱鑲護防風

掃壩幫築戩堤月堤靡不先事預防金甌無缺今

於四月初十日起至十五日止黃水漲發陡長五

尺有餘各處堤工鞏固埽壩堅厚足資捍禦至東  
省曹單二縣濱河大堤臣已擇其至險之處嚴飭  
廳汛各官先行修理其餘未經修築之堤亦早安  
置人夫曉夜防守俱各保護平穩皆由我皇上  
皇上訓諭周詳綢繆未雨所以安瀾永慶雖黃流陡漲  
漫溢出槽而濱河億萬蒼生成各安居樂業老幼  
歡呼匝地今水勢已退漸次消落歸槽臣現在督  
率廳汛文武員弁加意巡查預防伏汛長發外所  
有黃水陡漲工程平穩情形謹繕摺奏  
聞仰慰

聖懷伏乞

睿鑒謹

奏

前聞水低於岸多者丈餘少亦七尺今僅長五尺何乃  
遂至出槽若水勢如此卽不免漫出槽外則嗣後無時  
不可慮矣慎之慎之

雍正五年五月十九日吏部右侍郎河南副總河

兼管山東黃河堤工臣嵇曾筠謹

奏爲恭謝

天恩事雍正五年四月十五日臣接准吏部咨爲題參

硃批諭旨

上

全

嵇曾筠

事考功清吏司案呈查得通政使司咨稱接得副  
總河嵇曾筠題本一本爲恭謝

天恩事應具奏本而用題本與例不符除將原本封送  
內閣外理合題叅等因雍正五年三月二十九日  
奉

旨該部知道欽此移咨到臣隨恭設香案望

闕叩頭謝

恩訖伏念臣一介菲材仰荷

聖恩深重生生成教育高厚難酬自慚賦質愚蒙諸凡未  
諳以致恭謝

天恩應具奏本而用題本有違定例理應立  
賜處分乃蒙我

皇上特加寬宥免其察議

洪恩浩蕩浹髓淪肌臣惟益加砥礪勉竭涓埃永矢犬  
皇止馬之忱銜結於生生世世耳謹繕摺恭謝

天恩伏祈

皇上睿鑒謹

皇奏恩顯谷蘇志獎錢藥一冊陸臣謹恭設香案望

凡實力佐朕之大臣小過議罰朕亦有所不忍也

奏同日又

硃批諭旨

上

全

嵇曾筠

奏爲恭謝

天恩事雍正五年五月初八日臣齊摺家人敬捧

皇上恩賜各種法製錠藥一匣到臣隨恭設香案望

闕叩頭謝

恩祇領訖欽惟我

皇上

共至治馨香

皇太和保合

普黃農之利濟協化育於兩間

天媿堯舜之博施切痼瘵於億兆

上方調劑萬彙皆春

異數頻仍千秋榮遇臣蒲葵小草茵木微材芳餌膏酥

早蒙

殊錫蓮茶錫果疊拜

隆施乃

宸衷注念於河干致良藥再頒於

霄漢霜飛玉杵融成紫磨之金月湧冰壺吸取銀蟾之

液離乘火位祛陰翳以潛消鹽稟水精滌炎氛而

默化香霏郁烈先蒲艾以迎祥光燦陸離勝瓊漿

之清暑悟奇方於治水溢者塞而滯者疏參至理

殊批諭旨

上

全

稽曾筠

凡天下事悉當似此參互此擬融會貫通是乃一以貫  
於用人正則扶而邪則剔憶昔  
之道能如是庶識見擴充為不可量也  
形廷奏對聯邀

紫禁之大丹迄今河畔馳驅又捧

洪鈞之法製敬藏工次通燥濕以咸宜分惠羣僚酌

燠寒而溥濟仰

皇仁之體恤鏤骨銘心感

聖澤之宏深淪肌浹髓臣謹繕摺恭謝

天恩伏祈

睿鑒謹

奏

覽

雍正五年六月十五日吏部右侍郎河南副總河

兼管山東黃河堤工臣嵇曾筠謹

奏為據實陳情仰祈

睿鑒事竊臣於本年正月初三日接准部咨奉

命兼管山東黃河堤工隨即趨赴曹單二縣地方一面

查勘堤埽工程一面諮訪河工利弊見臨河大堤

多有卑薄殘缺不能一律高寬堅厚臣仰體

聖懷因比照豫省之例估計加幫增培高厚猶恐廳汛

各官勘估不實遴委諳練河員逐段細加查丈又

硃批諭旨

上

矣

嵇曾筠



復待至三月內新任兗寧道傅澤洪到任檄飭親  
勘確估嚴加核減造冊具題請

旨興修欽遵在案至工程利弊據黃河同知陳世奇開  
報徭夫陋規一項臣當將此項工食幫貼等銀從  
前俱屬有名無實半係印河各官之陋規半係胥  
役甲長之侵蝕請嗣後查明堤工應行加幫之處  
即將工食幫貼等銀先期題估修理等情恭疏具  
題現准部覆會同河撫二臣虛公畫一妥議在案但  
流弊已深相沿日久臣不少容隱絕無瞻顧而卽  
爲

入告自難見諒於同官至陳世奇被叅之故亦其自取  
查該員於上年冬季開明積弊備文詳報似屬爲  
公因而求給養廉意圖肥己顯係涉私且已經被  
劾自應靜候處分乃復徑行揭辯其狂縱躁妄已  
可槩見除將該員另疏特叅遵例摘印候

旨外所有微臣題估加幫大堤竝奏除徭夫積弊前後  
皇上情節謹爲據實

聞奏明伏乞

皇上察臣始末鑒臣衷曲  
恩賜主持俾臣不以無欺無隱致滋罪戾則從此捐糜

殊批諭旨

上

全

稽曾筠

恩以頂踵任勞任怨犬馬有知勉竭血誠圖報  
鴻慈當銜結於生生世世矣臣謹繕摺奏

聞伏乞天恩

皇上睿鑒謹奏

陳世奇已降嚴旨革職矣叅一屬員尋常事也胡庸如  
是張皇自問無私卽誤叅亦復何罪不然具此奏豈  
遂能移朕之予奪乎似此憂疑恐怖安能無欺無隱不  
涉瞻顧回護且主持二字斷在朕躬果是則如田文鏡  
不煩懇乞自有以主持之設非則必不因懇乞而輒偏

於主持也所不解者諸大臣雖咸蒙委任率多不知朕  
衷大抵皆緣自信不及所以不敢信朕耳至於任怨二  
字無分上下不特不避屬員銜恨縱朕加譴責亦有所  
不顧惟據理秉公毅然行去方可謂爲任怨況據理秉  
公之大臣朕焉有加以譴責之理總之識見囿於褊淺  
身爲大臣百凡務大爲要何得於目前區區小處耗費  
心神甘爲是徒勞無益之舉耶

同日又

奏爲伏汛將竣恭報水勢工程平穩仰慰聖懷  
聖懷事竊照今年入伏以來陰雨連旬沁黃屢漲水勢

殊批諭旨

上

矣

稽曾筠

雖大所幸河底刷深實能容納旋長旋消竝無留  
滯壅阻一切堤埽工程盡力修防俱極平穩皆仰  
賴我

皇上勤求治理誠格

蒼穹所以河伯效靈休徵畢集屆茲伏汎盛長仍復循槽  
順軌兩岸安寧臣往來豫東兩省踏勘巡查嚴督  
道廳印汎文武員弁率領兵夫住宿堤頭并多備  
料物晝夜防守以資保護今伏汎將竣所有水勢  
工程平穩情形理合繕摺奏

聞仰慰

聖懷伏祈

睿鑒謹

奏

直待秋汎過後工程俱各平穩朕方敢釋懷也慎之毋  
忽

雍正五年七月二十七日吏部右侍郎河南副總

河兼管山東黃河堤工臣嵇曾筠謹

奏爲秋汎水勢已定豫兗工程平穩仰祈

睿鑒事竊查伏秋交會之時伏汎未消秋汎踵至水勢  
易於增長又兼七月內陰雨連綿尤宜加意防範

臣往來兩岸遍閱河勢見沁水從武陟釘船幫而下黃水自新開引河注廣武山根而下直至滎澤縣仁奠山二水合流是黃沁之上游已循途順軌矣自此以下北岸經行滎澤原武陽武封邱祥符蘭陽儀封山東之曹縣單縣南岸經行滎澤鄭州中牟祥符陳留蘭陽儀封考城商邱虞城所有兩岸險要之處俱有埽壩抵護其從前陽武大堤一案加幫工程經歷三年草根蟠結可禦風雨卽上年增卑培薄之工程嚴飭承修各員晝夜保固一有殘缺上緊修補并檄道廳汛員分投防守搶護

俱保平穩其東省之曹單二縣工程查曹縣芝蔴莊埽工已經鑲墊堅實卽水勢長發料物雲集隨時加修埽壩晏然無慮其芝蔴莊上下附近堤工俱已加幫將竣陳家樓黃家廟水勢雖往北趨現奏有新做防風護埽足資捍禦單縣之董家渡孟家觀壘樓朱黃壩孔家莊等處亦俱現在加幫卽水繞堤間犬根人夫官弁羅列堤上易於防守臣恪遵

聖諭敬謹辦理每遇風雨長水之時奔馳兩岸督率屬吏員相機修守凡豫東兩省險要之處俱有准備千里堤工自當日臻鞏固臣因身親目擊敬歷數情

形仰慰

聖懷茲逢天氣漸見晴明秋汛水勢已定各處工程平  
聖儲穩謹繕摺奏

聞伏祈

睿鑒謹

奏

天地神明自必獲蒙鑒佑也勉之

覽奏深慰朕懷卿之勤劬朕所悉知以此赤衷對越

雍正五年九月初九日吏部右侍郎河南副總河

兼管山東黃河堤工臣嵇曾筠謹

奏為秋汛已竣工程平穩仰祈

睿鑒事竊查今歲秋汛雨水甚勤黃沁屢漲但水勢雖

屬浩瀚而循途順軌不致為患每逢發水之時臣

必親至堤埽險要工程遍加察勘見風色平靜水

波不興我

皇上至誠至敬感格神祇明效大驗捷於影響是以兩

岸安寧萬民有慶現今大堤月堤重重保障凡從

前水佔拋荒地畝俱已耕種成熟卽近水灘地所

有支河亦經築壩堵塞水不能進淤地更獲豐收

其窪下之區間有上水者而黍穀業已長成水退

仍復有秋總緣河身刷深可以容蓄不致異常瀰漫之故從茲遞年修守堤工固而禾稼登豫省元氣可復再查東省曹單二縣工程臣現在竭力嚴催其沿河一帶村莊地畝因雨水囤積難於播種是上臣隨飭廳印各官開放涵洞疏通水道引水歸湖現今積水已消民間可以種麥在大堤之旁水涸得土可以加幫公私俱便現今天氣晴明曉夜僱工承修各員陸續報竣總由

皇上愛民如子發帑興修所以豫東兩省濱河一帶堤岸有金湯之固羣黎獲衽席之安所有秋汛水勢

工程平穩情形除另行恭疏會

題外謹繕摺奏

聞仰慰

聖懷伏祈

睿鑒謹

奏

覽奏豫兗河道情形朕心曷勝慰悅頃秋汛雨澤既多水勢自猛朕日夜屢念淮黃不知作何光景今乃如是平穩可謂出於望外皆卿等忠誠勤慎所致兩省黎庶實攸賴焉已有旨從部頒發矣

硃批諭旨

上

奎

硃批諭旨

雍正五年十月二十九日吏部右侍郎河南副總  
河兼管山東黃河堤工臣嵇曾筠謹

奏爲乘機因勢開挑引河以固大堤仰祈

睿鑒事竊惟黃河之水湍悍變遷其性多曲每遇掃灣  
轉溜非斜趨而北卽直注而南以致兩岸堤工或  
當大河之頂衝或被支河之汕刷簽樁下埽多方  
救護始獲保固平穩此南北兩岸各工致險之源  
也上年十月內臣恭進黃沁安瀾圖仰蒙

聖慈就圖指示將灣處挑直堤工卽可化險爲平

諭臣查勘具奏臣遵卽來往河濱詳細審視因河頭俱

無吸川之形河尾又無建瓴之勢是以不敢冒昧  
議開隨令廳汛各官勤加相度倘河流稍有動移  
或遇可乘之機卽當隨時入

告不敢因循貽誤當經

奏明在案今查得儀封縣北岸雷家寺一工向因大  
河自南岸青龍岡迤下由西南埽灣起勢直注西  
北致將雷家寺上首之灘刷開支河一道沿堤走  
溜經宋家營徐家堂曲家樓等處直至三家莊出  
口五十餘里騰波湧浪勢同奔馬每遇汛水泛漲  
上下搶護救應不遑該廳等曾將支河堵築土壩

攔截以保大堤而水力盛大殊難抵禦臣經營籌  
度乘舟親往查勘現今青龍岡迤下水勢滌洄紆  
折將上灣洶作深堦與下灣相對止隔四百一十  
丈臣率領道廳汛員細加看驗上水河頭已有吸  
川之形下水河尾亦有建瓴之勢亟宜乘機因勢  
開挖引河導水東行則河身順直水不紆回大河  
之流既暢支河之勢自緩隨築壩攔截可以經久  
扞禦矣引河既成支河壩既築俾黃流全歸正河  
自當愈刷愈深將來河灘漸次淤高不特北岸雷  
家寺迤東五十餘里之埽工可以漸次減省而涸

出之灘地亦得廣爲耕種實於運道民生大有裨  
益今據道廳詳估前來臣復細加踏勘核估該挑  
引河四百一十丈及堵築支河土埽等工共銀七  
千餘兩謹繕摺繪圖先行奏

聞恭請

皇上訓示以便會同河臣齊蘇勒督臣田文鏡恭疏

題請伏祈

睿鑒謹

奏

若知之真見之透復與齊蘇勒意見相同卽一面具題

殊批諭旨

上

六

稽曾筠



一面興工可也

雍正六年正月十九日吏部左侍郎河南副總河兼管山東黃河堤工臣嵇曾筠謹

奏為恭報河工豫備事宜敬慰

聖懷事竊查豫省河工歲修一項臣前條奏定於秋成後卽發銀購料每秫稽一百斤定價七分較前節省二分務於八月內道庫發銀勒限十月內照額辦足奉

旨俞允欽遵在案隨卽飛行道廳遵照去後茲據管河道祝兆鵬河北道朱藻呈報南北兩岸各廳辦料

銀兩俱經如期給發所買物料業已購足陸續運貯工所前來臣於臘底新年復親往查察目擊堤工所貯料物俱各鱗比櫛次堆積崇墉分編字號插立牌櫛隨諭多撥兵夫看守儘可有備無患再查堤上搶險下埽鑲填全憑積土臣已嚴飭廳汛督率兵夫趁此閒暇沿堤預備土牛料物既多土牛旣積本年各汛修守有資自可無誤隄防矣至南北兩岸柳園因從前需用過多採伐殆盡早已通飭廳汛務於冬末春初津液含蓄之時廣為栽植俟春和澆灌成活臣復親加催督查驗兩岸柳

椽俱已密排栽種成行河工要料漸見蕃衍所有預備事宜理合恭摺奏

聞上慰

聖懷伏祈

皇上睿鑒謹

奏

防禦有備允愜朕懷人事盡而後

天心之眷祐可期朕宵旰勤求孜孜不倦亦正此意耳勉之

同日又

奏為

聖主天恩浩蕩微臣感激難名敬陳謝悃仰祈

睿鑒事雍正六年正月十一日准河南督臣田文鏡字

信內錄正月初六日奉怡親王大學士等來字雍

正五年十二月二十二日奉

上諭副總河嵇曾筠衙門無養廉之項朕向來不知故

未降旨今因齊蘇勒奏聞朕始知之爾等可寄信與

河南總督山東巡撫令河南山東二省各於公用銀

兩內以三千兩給與嵇曾筠為伊用度伊既辦理地

方公事自應如此加恩倘不為籌畫養廉之項將來

殊批諭旨

上

矣

嵇曾筠

遇不肖之員爲副總河必至苛索於地方也欽此遵  
旨寄信前來知會到臣隨虔設香案望闕叩頭恭謝

天恩訖竊臣一介寒微備員詞館荷蒙我皇上洪恩賞拔洊列卿貳臣特授以副總河之職管理豫東兩省堤工五載河干毫

無報稱迺蒙

睿照周詳曲爲籌畫

特命怡親王等寄信河南山東督撫臣令於二省公  
奏用銀兩內各以三千兩給與臣會筠用度

洪慈體恤至優至渥聞

命之下感激涕零伏念臣父以生員殉節臣母以青年

守志臣以四齡孤子伶仃飄泊幸際

昌明之會疊邀知遇之隆今又蒙

皇上如此加恩匪特微臣不敢稍萌不肖之私自今以  
後卽有不肖之員亦莫不滌面洗心鼓舞奮勉於  
天高地厚之中矣所有微臣感激愚忱理合恭摺

奏謝伏祈

皇上睿鑒謹

奏

汝前爲養廉一事具摺陳請曾經批諭酌查取給之項嗣後汝未再奏朕亦遂爾遺忘今齊蘇勒來京面陳一切方始憶及比年來汝二人難堪清苦矣兩省督撫日擊拮据情狀不一過問何若是之愒然也

雍正六年二月二十七日吏部左侍郎河南副總河兼管山東黃河堤工臣嵇曾筠謹

奏爲欽奉

上諭事雍正六年正月二十七日臣於山東曹縣工次時值河臣齊蘇勒

陛見回南赴豫臣隨跪請

皇上聖安據齊蘇勒傳奉

聖諭河南雷家寺一帶堵截支河開挖引河一事爾於回南之時前往彼處再行詳看會同副總河嵇曾筠細加商酌欽此欽遵臣於正月三十日同至雷家寺工次細看河勢情形凜遵

皇上按圖指示機宜詳加斟酌應於儀封縣三家莊添築迎水大壩一座以抵全黃頂衝之力又查曹縣芝麻莊埽工地居三家莊下游正對黃流掃灣水勢悍激應於舊埽上首添築挑水大壩一座挑溜奉開行上下可保無虞俱經會摺恭

奏齊蘇勒於二月初十日出河南境訖臣一面飛飭  
僨運料物將三家莊迎水壩及芝麻莊挑水壩晝  
夜興築下埽簽椿鑲墊穩固復親至雷家寺督催  
各員挑挖引河已經挖有八分指日可以告成臣  
因桃汛屆期由山東黃河北岸起一路沿堤查勘  
直至河南武陟嚴諭沿河廳汛員弁多撥兵夫擡  
土增培堤頂搜尋鼠穴獲洞修理歲搶工程以資  
捍禦臣自查勘北岸之後卽渡河查勘南岸堤工  
往返巡歷日擊沿河灘岸竟有高出水面七八尺  
一丈不等可見河身漸次刷深此皆由

皇上睿慮周詳

聖謨指示所致臣惟有愈加謹慎先事圖維以仰副

聖懷理合恭摺奏

聞伏祈

睿鑒謹

奏

據奏河漸刷深朕懷甚慰至於堵截開挑等務人事固  
所當盡仍宜以公誠敬謹感  
天格神冀邀佑助絲毫毋涉縱肆勉之

奏同日又

奏爲請

旨事雍正六年二月初二日河臣齊蘇勒傳奉

上諭據奏河南蘭陽縣漫口處所有神像自上流漂來其漫口之水隨即自行沙淤甚屬奇事爾等當於此處另建寬大廟宇以答神庥欽此欽遵臣隨公同相度地基興建廟宇業經會摺恭

奏欽惟我

皇上愛民心切誠感河靈爲民敬

神建立廟宇此誠千載難逢殊祥

皇鉅典也伏念臣於雍正元年六月內欽承

簡命來赴河南堵築中牟十里店漫口奉

旨動用庫帑分發各州縣辦料至十月初間料物齊集

堤頂堆積如山正在晝夜捲埽尅期搶堵不料十

月十七日夜半更夫掛燈籠於棚簷失火燒棚斯

時棚之西向逼近壩臺因趁月明鋪埽滿地稽草

棚之東向有千百萬之積料堆貯崇墉若一延燒

則壩臺旣不可保物料盡成灰燼臣寢處草棚驚

聞起視見西風猛烈火焰燭天風頭火勢俱自西

而東十分危險臣倉皇跪禱口誦我

感應之理實捷如影響漢臣反風滅火豈屬偶然但不

殊批諭旨

上

百

稽會筠

天

公不誠者非理妄求自亦無驗至若囊慢不信命臣會筠來此堵築漫口今積有半年料物始得齊全

厭神之惡之流更曷可同日而語朕深為卿幸焉勉之若被延燒不但堵築稽遲民困饑溺將來再為購料運送維艱民力何堪伏望

風火尊神仰體

上帝好生之心

聖主焦勞至意止風熄火下救黎民困厄頃之忽見風

頭陡轉火勢自南而北將堤北渡船一隻燒燬殆

盡大桅南倒又將火頭壓滅東西壩臺物料俱獲

保全斯時官民夫役莫不歡呼

萬歲口頌

此等套語甚不合朕意屢經訓諭何故不聽從而改易皇上帝上洪福諸神保佑所致又連年伏秋汛水長發之時耶

風色全無波恬浪靜似應起建風火二神祠宇以

酬神貺今現奉

聖諭命臣等於蘭陽漫口建立寬大廟宇可否叩懇風神之祀近已降旨命部臣考察議諒卿聞之故有此奏天恩并於殿旁空隙處所再建風神殿三間火神殿三

請間兩旁配殿各六間門樓各三間附於廟之左右

敬安

神位倘蒙

可施行恩允所有應估工價數目容臣等一併據實續估具

奏為此繕摺請

殊批諭旨

上

百

嵇曾筠

旨伏祈

皇上睿鑒施行謹

奏

覽

雍正六年三月十三日兵部尚書河南副總河兼  
管山東黃河堤工臣嵇曾筠謹

奏為恭報蘭陽新險工程搶護平穩仰慰

聖懷事竊照蘭陽縣北岸耿家寨地方原係臨河險要  
臣前同河臣齊蘇勒相度形勢必得重門保障方  
資鞏固因議將大堤及臨河縷水堤竝中間土堰

一道亦幫作越堤共有三重均酌量估計於雍正  
二年三年陸續

題請加幫在案近因河勢下移南岸長出淤灘黃流  
北注漸成頂衝本年二月間節據該廳汛具報埽  
工蟄陷歷經批飭動料鑲填搶護嗣於二月二十  
八日臣正在巡查南岸據下北河同知張近光報  
稱二十七日未時河勢陡湧大溜衝刷堤根走埽  
一箇連夜捲埽搶護至二十八日卯時塌卸堤頂  
一丈餘等情臣隨冒雨渡河赴工查勘見水勢已  
緩卽住宿工次相機修守如式下埽簽椿堅實買



土鑲填業經搶築平穩訖伏念桃汛水勢易長易消尚然報險急應未雨綢繆以防伏秋二汛因查第三道大堤久已加幫高厚其第二道越堤雖經加幫頂寬二丈底寬八丈高一丈二尺尚嫌卑薄其臨河第一道縷水堤近因大溜直射堤根深至二丈有餘臣再四籌度現於堤南迎溜頂衝之處下攬厓埽一路沉水埽一路又預備料物相機下魚鱗埽一路再查縷堤北面有積水深潭因晝夜趕築裏戩壩臺密釘攔土排樁一路又於險工左右堤頂盡行酌量加高則頭門已屬穩固次將第

二道越堤隨地勢加幫高至一丈五六七尺頂寬三丈底寬十二丈并估下等埽一路則二門亦有捍衛再於第三道大堤上添貯料物以備不時需用多撥員弁兵夫防守則三門亦有準備再估從縷水堤北直接大堤東西建築格堤二道預爲收束水勢地步則四面層層有備雖至伏秋可保萬全矣臣一面會商督臣田文鏡暫動河庫存貯捐工銀兩委河北道朱藻督工儉築興修尅期告竣聞恭摺一面飭令據實確估造冊會

旨題請

硃批諭旨

上

三

稽會筠

旨外所有現在搶護耿家寨堤工平穩情形合先奏

聞恭慰

聖懷伏祈

皇上睿鑒謹

奏

從來有備則無患覽奏抵禦機宜朕懷似可不爲伏秋慮矣雖然天下事往往功成於險變起於平智或有不時不及施力亦有時不足恃心一放則必至懈弛故書垂無逸之訓而詩載戰兢之誠也要當敬慎日增斯須不可去念期共勉之

雍正六年五月二十八日吏部尚書河南副總河

兼管山東黃河堤工臣嵇曾筠謹

奏爲恭報五月水勢工程平穩情形上慰

聖懷事竊照黃河堤岸全憑修守臣凜遵

聖諭時刻嚴飭廳汛員弁竭力奉行卽儀封北岸之三

家莊山東曹縣之芝麻莊俱經下埽簽椿添築壩

工鑲填穩固其蘭陽北岸新險之耿家寨工程緊

要臣現在親行催督多備物料隨墊隨鑲雖係頂

衝壩工已經堅厚足資捍禦臣緣駐劄險工不能

分身徧爲查察屢檄兩河員弁加謹修防現有左

僉都御史臣徐湛恩前往兩岸凡遇歲搶工程督令星夜儻做自五月初三日查勘起至二十四日始回耿家寨目見兩岸堤工俱各平穩五月內雖經兩次長水然皆旋消循軌東注臣乘舟細察河勢見中泓既深黃流已循故道凡係昔年舊有險聖節工之處俱當加意防範臣已檄飭廳汛多積物料聖訓相機修守如遇新險要工卽一面竭力搶護一面據實勘估會

題務必恪遵

聖訓時存敬慎早夜修防以保護安寧所有五月水勢

工程平穩情形理合恭摺奏

聞仰慰

聖懷謹

奏

覽奏水勢情形朕懷深慰然必待伏秋二汛過後方可言平穩二字也慎之又慎毋或少怠

同日又

奏爲恭報引河告成水勢暢流上慰

聖懷事竊查儀封北岸河勢直注西北刷成支河沿堤走溜騰波湧浪勢同奔馬經宋家營徐家塘曲家

樓直至三家莊綿長數十里每值汎水漲發搶護  
不遑臣經會疏

題請於雷家寺地方開挖引河導水東行荷蒙

恩允欽遵在案臣於正二月間卽親督廳印汎各員挑  
挖如式嗣緣桃汎水小不敢輕於開放至五月十  
二日河水長有四尺五寸臣隨星夜前往督同承  
挑各員多雇人夫將河頭河尾一夜挑挖深通於  
十三日清晨開放時值西風忽起水激風順湧溜  
東注引河瞬息盈科暢流無阻臣又於二十三日  
乘舟察勘適當雷雨交作西北風猛住宿舟中是

夜水長四尺四寸風順水湧大溜皆歸引河至次  
日查勘河身汕刷寬有百丈深有二丈四五尺不  
等新河愈刷愈深舊河水勢頓落雷家寺迤東一  
帶埽工將來可漸次減省而水占灘地亦可逐漸  
涸出廣爲耕種實於運道民生均有補裨此皆仰  
賴我

皇上敬

天勤民至誠感召神力護佑所致也所有雷家寺引河告

成情形理合據實奏

聞恭慰

殊批諭旨

上

頁

嵇曾筠

聖懷伏祈

睿鑒謹

奏

據奏開放引河時水激風順若有

神助皆賴卿等實心任事正己率屬有以感召所致朕慶幸有加欣慰不已期共勉之

雍正六年七月二十七日吏部尚書河南副總河

兼管山東黃河堤工臣嵇曾筠謹

奏為恭報七月水勢工程平穩情形上慰

聖懷事竊照伏秋交會之際水勢最為險要蓋因伏汛

未消秋汛踵至未免汪涵渟蓄故歷年以來屆期防範搶護不遑至今年七月伏秋交會水勢雖見增長而風恬波靜前水已消後水方至兩岸廳汛兵夫小心修守雖至險如耿家寨三家莊芝麻莊埽工亦皆鑲填保護平穩臣又乘舟遣熟諳河兵探量中泓水勢武陟以下深至二三丈不等考城以下深至四五丈不等可見河底日漸刷深河槽實能容納自無漫灘異漲之患伏查本年七月初六日據報沁河長水四尺餘臣即飛檄廳汛晝夜修防去後嗣據各汛報到沁河之水流入黃河所

長不過尺許此雖因河面寬濶實由河底淵深之明驗也再查黃河性不兩行各道支河堵塞既無旁流以洩其氣而紆曲太甚衝刷堤工之處又開挖引河以順其性如雷家寺新河既成不數日間青龍岡迤下數十里舊河身旋即淤成平陸此皆由我

皇上宵旰憂勤誠敬格

天指示周詳所以黃流循軌日慶安瀾臣惟有凜遵

聖訓益加敬慎勤事修防以永保堤工鞏固所有七月水勢工程平穩情形理合恭摺奏

聞仰慰

聖懷伏祈

睿鑒謹

奏

覽奏深爲慰悅一切工務朕不過指示大畧至於臨時應變相度機宜若非卿等勤勞趨事忠誠感奮難能神曷克有此功效再能保固三二年後朕憂虞之念可全

釋矣勗哉敬慎勿懈

雍正六年十二月十一日吏部尚書河南副總河

兼管黃河堤工臣嵇曾筠謹

殊批諭旨

上

頁

嵇曾筠

奏爲運河水勢深通黃河料物齊備敬慰

聖懷事竊照豫省漕糧全資丹衛二水濟運自蒙我  
皇上欽頒衛河源神靈源昭瑞匾額新泉渙發愈加滂  
沛現今時值隆冬各道泉源湧注與丹河合流濟  
運現今探量水勢深有五六七尺不等漕艘通行  
俱陸續催僱出境至黃河歲修料物早已撥帑採  
辦現皆運貯堤工堆積崇墉來歲修守可以有備  
無患臣因接准部文欽遵

諭旨致祭嘉應觀

河神卽由蘭陽起程前往武陟於十二月初九日虔

誠敬謹肅將

大祀典訖隨卽一路查勘豫東黃河兩岸工程趁此水  
落歸槽凡應修應補之處預爲相度以便明歲春  
和加工并督率兵夫住宿堡房積土種柳歲暮天  
寒守望相助千里長堤查察謹嚴附近居民寧謐  
安堵所有運河水勢深通黃河料物齊備情形謹  
繕摺奏

聞伏祈

睿鑒謹

奏

殊批諭旨

上

頁

稽曾筠

運河水勢深通黃河料物齊備欣悅覽之但聞汝於諸  
凡事務殊欠擔當往往推諉屬員此乃大不可者果若  
是止知有己而不知有人人心何由而服將見平時則  
各懷顧惜臨事胥觀望不前於汝甚屬無益當返躬內  
省極力改除為要

雍正七年正月二十二日吏部尚書河南副總河

兼管山東黃河堤工臣嵇曾筠謹

奏為恭謝

天恩事雍正六年十二月初五日准工部咨開恭報搶  
築等事一案十一月十六日奉

旨秦家廠漫口合龍之處原屬險急工程其用過土方  
價值又屢經部駁嵇曾筠為人謹慎小心若果浮冒  
伊必據實核減這次加恩准其開銷不必再行駁詰  
欽此咨行到臣隨恭設香案望

闕叩頭謝

恩伏念臣本愚陋備員河干冰兢自矢六載於茲凡有  
廳汛所做工程該道冊報每嚴加核減親勘確  
實果無浮冒方敢報銷此臣慎重工帑之微忱時  
時凜矢旦明而不敢直陳於

君父之前者乃早蒙

殊批諭旨

上

厚

嵇曾筠



皇上洪慈洞照  
特沛溫綸捧誦

皇言銜感無地臣自揣知識愚鈍報稱無能惟有勤事  
修防痛加釐剔凡係工程錢糧不致纖毫浮冒事  
事謹慎刻刻小心以仰報

皇上知遇隆恩於萬一耳爲此繕摺恭謝

天恩伏祈

睿鑒謹

奏

揆情酌理四字朕實能之第恐聞見不確則或未必適

得其當耳

同日又

奏爲欽奉

上諭事竊臣齋摺家人回豫敬捧聖旨工部鑄要而不

皇上硃批臣運河水勢深通黃河料物齊備等事奏摺

恩親欽奉

硃批諭旨臣跪讀之下惶悚無地伏念臣庸愚毫

主無知識未載河干愆尤叢積荷蒙聖慈

皇上覆載洪慈包容聖慈其自深恩

教誨保全至今茲蒙聖慈其入臣罪

硃批諭旨

上

臣

稽曾筠

聖訓誠飭以臣擔荷之力甚欠往往推諉屬員令臣返  
皇躬極力內省改除宥其既往勉其自新感戴  
生成涕零如雨第臣有下情不敢不敬陳於

聖主之前者竊查河工私弊易生河工浮議易起臣受  
恩深重惟知矢慎矢公務期工收實在帑不虛糜是以  
皇工無論大小臣必親勘地無問遠近臣必親到河  
工備員以有事爲榮以興工爲利但云工程險要而不  
奏知內中有應做不應做之工若一槩擔承估計興  
修必致帑金糜費臣於此等工程必再四推敲駁  
飭詳加核實方敢具

題此臣拘謹愚誠難逃

聖明洞鑒之中者也再臣素未諳練河務自奉

命到工兢兢學習刻刻提防凡遇迫不及待之險工卽  
立時擔荷率先搶護外至若工程浩大需帑繁多  
尚可稍緩時日者臣必再三相度形勢一面調撥  
銀兩預備料物一面商定於河臣細訪於熟諳員  
弁兵夫詢謀僉同然後踴躍前進下一掃務必得  
一掃之力做一工務必收一工之效其難其慎以  
冀萬全是以數年來凜遵

聖訓幸得黽勉供職伏念豫東二省河工最關緊要我

皇上宵旰焦勞諄諄

訓示微臣世受

國恩才庸任重卽捐糜頂踵尚難報稱寧敢稍萌推諉屬員之念上負

聖主知遇之隆祇緣大工業已告竣長堤屹若金湯自應以樽節錢糧爲重倘臣冒昧擔荷或致帑金糜費屬員虧空則臣罪難追至於估計工程錢糧例由道廳冊報臣等察核稍有浮冒臣等查叅若不慎重詳查自用自專恐致草率易生朦蔽臣愚不得不兢兢過慮也欽奉

皇上矜憐訓誡臣惟有感激猛省諸事留心凡有一毫推諉之念必痛加改除以仰副

聖主教誨之仁恩於萬一耳臣謹繕摺恭謝

天恩伏祈

睿鑒謹

奏

謹慎固爲處事要道但不可因小而失大過與不及等耳今齊蘇勸業經濫逝修防諳練乏人當倍加黽勉切勿過於拘執錢糧重輕較之河防又其次矣朕數日以來如失所倚念彼河干思吾賢佐不禁爲之涕下奈何

奈何向後能慰朕懷與否萬姓蒙福罹災與否全賴汝之忠勤誠敬矣灑泪批諭

雍正七年二月二十五日吏部尚書河南副總河兼管山東黃河堤工臣嵇曾筠謹

奏為欽奉

上諭事雍正七年二月十八日臣於儀封北岸工次接

天恩到

皇上發回臣欽奉

上諭事奏摺奉有

硃批諭旨臣跪讀之下悚懼恐惶置身無地竊念臣樗

櫟庸材仰荷

皇上天恩拔擢豢養生成特畀河工重任提撕警覺教

育多方茲以河臣齊蘇勒已故特頒

訓旨誥誨諄諄仰見我

皇上慎重河防時深饑溺之思

眷念勞臣彌切股肱之痛臣雖犬馬無知亦思感奮圖

聖報自今以往惟有凜遵

聖諭加倍小心無事則以查核錢糧為重有事則以搶

護工程為要不敢因小而失大不敢矯枉而過正

念念切於忠勤刻刻勉於誠敬所有豫東二省黃



